


8-63



გოდუნი სანი





№ 6-7-8




შ ი ნ ა ა რ ს ი:

1. ვინ არის პიონერი ლენინელები და რისთვის ემზადებიან ისინი,— მარიამ ორახელაშვილისა	1
2. ბავშთა კვირა.	2
3. 14 სექტემბერი მშრომელ ახალგაზრდობის უქვეა— ბიჭიკოსი	3
4. ბავშთა კომუნისტური ჯგუფები საზღვარ გარედ	4
5. ბრძოლის ველზე, — საბავშო სიმღერა — მუსიკა შ. თაქთაქიშვილისა	6
6. ზაფხული, — ლექსი ვ. რუხაძისა	7
7. ობოლიტიტიკო, პ. ტფილელისა	12
8. წყარო, — ლექსი — სანელისა	
9. სიცოცხლე გამარჯვებისათვის, — მ. გორკისა — თარგმანი დანიისა	13
10. შავი მგელი, — ზღაპარი-პიესა სამ მოქმედებად, დასასრული, დ. ნახუცრიშვილისა	14
11. მყინვარ-წვერზე ასვლა, დასასრული — მ. ბევენაშვილისა	17
12. სიმართლიანი შურისძიება — ნიკორაძე	29
13. ბაბლიოგრაფია	32
14. რედაქციისაგან,	33
15. გასართობი	34





899.962.1(05)
წ-63.



1924

შენათლების სახალხო კომისარიატის სოციალურ აღზრდის მთავარმართველობის და ახალგაზრდათა კომკავშირის ცენტრალ. კომიტ. უფრახალი ბავშებისათვის.

წელიწადი 1

ივნისი-ივლისი-აგვისტო № 6-7-8

ვინ არიან პიონერი-ლენინელები და რისთვის ემზადებიან ისინი

ლენინელმა იცის, რომ ბავშთა კომუნისტური ჯგუფები—არის მოზარდი თაობის აღზრდის ახალი ორგანიზაციული ფორმა, რომელიც ამზადებს ბავშვებს მომავალ საპასუხისმგებლო მუშაობისათვის, უსაზღვრო სიყვარული და ერთგულება მუშათა კლასისადმი და სასტიკი მძულვარება ყველაფერ იმისადმი, რაც ხელს უშლის პროლეტარიატის გამარჯვებას, უნდა ასულდგმულებდეს ბავშვთა კომუნისტურ ჯგუფების მთელ საქმიანობას.

მსოფლიო გაყოფილია ორ ბანაკად—ერთ ბანაკშია პროლეტარიატი და მისი ბავშვები; ხოლო მეორეში მათი მჩაგვრელი—კაპიტალისტები.

ლენინელები მეგობრებია პირველთა და მეორეობლი მათი ინტერესებისათვის და შეურიგებელი მტრები მეორეთა.

ლენინელთა ორგანიზაცია გამსჭვალულია საერთაშორისო სოლიდარობის იდეით, მას ახსოვს კაპიტალისტურ ქვეყნებში თავისი ძმები, იცის მათი ცხოვრება, ტანჯვა და მზადაა ყოველთვის დაეხმაროს მათ.

ამისათვის პიონერი ლენინელები მუშაობენ თავის აღზრდისათვის თავიანთ წინამძღოლების—კომკავშირელების დახმარებით, რათა გახდნენ კომუნისტებად, მებრძოლებად, განთავისუფლდნენ ბურჟუაზიულ იდეოლოგიის კლასიურ შხამისაგან, განდევნონ თავის ბავშურ შეგნებიდან ეგოისტური ელემენტები. ამის მიღწევა შეიძლება მხოლოდ ორგანიზაციაში, კოლექტივში ცხოვრებით და მუშაობით.

პიონერს ახსოვს ბავშვთა საუკეთესო მეგობრის და მთელი მშრომელი კაცობრიობის დიდი ბელადის ლენინის ყველა აღთქმანი და, პირველ ყოვლისა იცის ეს აღთქმა: ისწავლოს, ისწავლოს, და ისწავლოს. ის თვის ამოცანად ისახავს „გაღრღნას მეცნიერება თავისი ახალგაზრდური კბილებით და შეისწავლოს კომუნიზმი, ე. ი. შეიძინოს ის, რაც შექმნილი იყო ადამიანის აზრით, გამოცდილებით და ცოდნის ჩირაღდნით წავიდეს ახალ, სასიხარულო ცხოვრების ასაშენებლად.“

პიონერი ქმნის ახალ ცხოვრებას; ამისათვის ის მზადაა შეებრძოლოს ყველაფერს, რაც მას წინ ედობება: ოჯახს (თუ იგი მას ხელს უშლის), სარწმუნოებას, უკულტურობას, ცრუმორწმუნეობას, თამბაქოს წევას, გინებას; ის იცავს ლაპარაკის სიწმინდეს, თავის სუსტ და უმცროს ამხანაგებისადმი თანასწორ და კარგ მოპყრობას. პიონერი ირჩევს ისეთ წიგნებს საკითხავად, ისეთ სათამაშოებს, ისეთ გასართომებს, სპორტს და მეცადინეობას, რომელიც ფაზიკურად აჯანსაღებს მას, აწვითარებს მასში კოლექტიურ ჩვეულებებს და ამუშავებს მასში მტკიცე ნებისყოფას, სიმამაცეს, გამბედაობას, სამართლიანობას და დისციპლინას.

პიონერი მტერია მედიდურობის, უაზრო სიმკაცრობის, უხეშად მოპყრობის, აზარტის.

ლენინელი მუშაობს არა მარტო ბავშვთა კომუნისტურ ჯგუფებში ყველა მუშათა და ლარობ გლეხთა ბავშვების გასაერთიანებლად, არამედ ის მთელი თავისი ახალგაზრდური ენერგიით მუშაობს

იმისათვის, რათა პროლეტარიატის კლასიურ მტერს — ბურჟუაზიას, ხელიდან გამოსტაცოს მისი ბავშვები და აღზარდოს ისინი მებრძოლებად კომუნისტურ საზოგადოებისათვის.

ლენინელი თანდათან იპყრობს სასკოლო ჰასაკის ბავშვებს, შეაქვს სკოლაში კომუნისტური სული და აქცევს მას ახალ ცხოვრების მშენებელთა აღზრდის ორგანიზაციადა.

ლენინელი არც ერთი წუთით არ ივიწყებს უპატრონო ბავშვებს, ის იზიდავს ნათ ბავშვთა კომუნისტურ ჯგუფებში, ეწევა მათში კულტურულ-განმანათლებელ მუშაობას, თვითონ ეწერება „ბავშვების მეგობართა“ საზოგადოებაში და ეწევა აგი-

ტაციას მის სასარგებლოდ და ამით დახმარებას უწევს საბჭოთა რესპუბლიკას უპატრონო ბავშვისათვის არა მოწყალების მიცემით, არამედ უპატრონო ბავშვთა ჯანსაღ შრომაზე დამყარებულ ცხოვრების ორგანიზაციით.

ლენინელებმა იცნან, რომ ახალგაზრდა ლენინელთა სახელოვანმა კომუნისტურმა კავშირმა ლენინელ ბავშვთა კომუნისტურ ჯგუფის საშუალებით უნდა შემატოს მორაგი რეზერვები პროლეტარულ რევოლუციის არმიას.

ლენინელებმა ეს იცნან, ისინი ემზადებიან ამისათვის და კიდევ იქნებიან მზად!

მარიამ ორახელაშვილი.

ბავშვთა კვირა¹⁾

საქართველოს პროლეტარულ ბავშვებს, რომელნიც დარაზმული არიან ლენინის სახელობის ბავშვთა კომუნისტურ ორგანიზაციებში, წელს პირველად უხდებათ მონაწილეობის მიღება საერთაშორისო დღესასწაულში.

7—14-ამდე საქართველოს ბავშვთა კომუნისტური ორგანიზაცია უნდა დაირაზმოს ინტერნაციონალური დროშის ქვეშ. ამ კვირის განმავლობაში თვითნებულ ბავშვს უნდა ვაგრძნობინოთ, რომ ის მართლ არ არის ბრძოლაში, რომ მას ვვერდში უდგას დასავლეთის პროლეტარული ბავშვობა. საქართველოს მუშებისა და გლეხების შვილებმა უნდა შეიგნონ თავისი მოვალეობა—მათი ძმებისა და მეგობრების, დასავლეთის და მეზობელ რესპუბლიკების ახალგაზრდა პიონერების წინაშე.

წელს პირველად ტარდება ეს კვირა მთელს მსოფლიოში; ამიტომ საჭიროა პირველამოცანად დაისვას ინტერნაციონალური გრძნობის გაღვივება მათში. პირველად ბავშვმა უნდა იგრძნოს ურთიერთ კავშირის, საერთო გამოსვლის, ხელისხელ ჩაკიდებული ბრძოლის და მუშაობის მნიშვნელობა.

თუ ეს უსპეტაკესი გრძნობა არ სჩანს, ძნელია მათი მუშათა კლასის საკეთილდღეო საქმისათვის აღზრდა; მაშინ იმ გზით წაყვანა, რომლითაც მიდის მუშათა კლასი და კომკავშირი.

ლენინმა ჩვენს კავშირს დაუტოვა ანდერძი, რომელიც ამბობს, რომ ბავშვთა აღზრდა შეგნებულად, დისციპლინარული სულით—ეს თავდაპირველად კომკავშირის მოვალეობაა.

ლენინის ანდერძი არც ერთმა კომკავშირელმა არ უნდა დაივიწყოს.

ჩვენ უნდა შევსძლოთ ბავშვთა აღზრდა, მათი დარაზმვა ლენინიზმის იდეების გარშემო; ბავშვთა კვირამ საფუძველი უნდა ჩაუყაროს ლენინიზმის იდეების პროლეტარულ ბავშვთა შორის გავრცელებას. ჩვენ უნდა მივალწიოთ იმას, რომ ყოველმა ბავშვმა, რომელიც იმყოფება ბ. კ. ორგანიზაციაში, შეგნებულად სთქვას: **ლენინი—ჩვენი დროშა, მტკიცედ ვივლით ლენინის გზით.**

„ბავშვთა კვირა“ არის ლენინისადმი სიყვარულის, მისდამი პატივისცემის, მისდამი პასუხისმგებლობის გრძნობის ჩანერგვის კვირა—პროლეტარულ ბავშვთა შორის.


„ბავშვთა კვირა“ არის—მუშათა კლასის საქმისადმი მოვალეობის შეგნების გრძნობის გაღვივების და აღზრდის კვირა—მუშებისა და გლეხების ბავშვების შორის.

„ბავშვთა კვირა“ არის საერთაშორისო ბავშვთა სოლიდარობის, მტკიცე, ერთგული შეკავშირების დღეები.

„ბავშვთა კვირამ“ ყველა პროლეტარულ ბავშვში უნდა გააღვიძოს—მისი თანამომძემ, მებრძოლ პროლეტარულ ბავშვებისადმი—უმწიკვლო სიყვარული. უდიდესი თანაგრძნობა უპატრონო ბავშვებისადმი, ჩაგრულ ბავშვებისადმი, უდიდესი სურვილის აღძვრა მათ დასახმარებლად—აი რას უნდა ემსახურებოდეს ბავშვთა კვირა.

ნორჩო პიონერებო, ბავშვთა კვირა გავაღებთ მუშათა კლასის, მსოფლიო პროლეტარული ბავშვებისა და კომკავშირისადმი ერთგულებას. იყავით მზად ამ საქმისათვის.

1) გაზ. „სპარტაკიდან.“





14 სექტემბერი მშრომელ ახალ-გაზრდობის უქმეა

გაბატონებული კლასის—ბურჟუაზიის გაუმაძღრობამ გამოიწვია ის ჯერ უნახავი სისხლის მღვრელი ომები, რომელიც 1914 წლიდან 1918 წლამდე გრძელდებოდა.

გაბატონებულ კლასს აღარ აკმაყოფილებდა ის ნაგლეჯ-ნაკარცვი ქონება, რომელიც მას თავის ქვეყნებში ეშოვა, მას აღარ აკმაყოფილებდა თავისი ქვეყნის ბაზრები და ამიტომ იყო, რომ მიისწრაფობდა სხვა ქვეყნების დასაპყრობად, სხვა ქვეყნების მშრომელი მასის დასატანჯავად.

ამ გაუმაძღრობამ განვითარების უმწვერვალეს წერტილს მიაღწია 1914 წელს. ევროპის დიდ ქვეყნებს შორის დაიწყო ოთხწლიანი სისხლის ღვრა, ქალაქები აივსო ჯარებით, ქუჩები მოფენილი იყო ახალგაზრდობით, რომლებიც ჯარში მიჰყავდათ. დაიწყო იარაღების შეუჩერებელი კეთება და ასაფეთქებელ ნივთიერებათა მზადება. ერთი სიტყვით მეომარი ქვეყნები—ინგლისი, საფრანგეთი, რუსეთი, გერმანია, ავსტრია, ოსმალეთი და სხვა—ემზადებოდნენ ამისათვის და ამ ომისათვის მზადებას, ესე იგი მილიტარიზმს, ხელმძღვანელობდა გაბატონებულთა ბურჟუაზიული სახელმწიფოები.

მაღე გაისმა ზარბაზნების, ტყვიების და აფეთქების პირველი გრილი, ამუშავდა ზარბაზნები და ტყვისმფრქვეველები, სისხლით ირწყებოდა მიწები; გმინავდა მუშათა კლასი თავის გაათქცებულ ტანჯვაში.

და ამ სისხლის ღვრის დაწყებისას გამყიდველური როლი ითამაშა მუშათა კლასის ზოგიერთმა ბელადებმა, რომელიც ხელმძღვანელობდნენ მუშათა კლასის საერთაშორისო გაერთიანებას—მეორე ინტერნაციონალს.

მეორე ინტერნაციონალის ბელადებმა ბურჟუაზიისაგან მოსყიდვით უკარნახეს მშრომელ კლასს ამ სისხლის მღვრელ სასაკლაოზე თავი შეეწირათ და მუშათა კლასის ბრმა ნაწილი მიჰყვებოდა თავისი ბელადების რჩევას.

მაგრამ იყო მუშათა კლასში შეგნებული ნაწილი და ამ ნაწილს ჰყავდა თავისი ბელადები: როგორც ლენინი, კ. ლიბკნეხტი და სხვ.

მთელი სიმძიმე ომისა მუშათა ახალგაზრდობის ბურგზე გადადიოდა. მუშათა ახალგაზრდობას ერე-

კებოდნენ ომებში, როგორც ძლიერს და ენერგიით აღსავსე ახალგაზრდებს, მათი საშუალებით ომობდნენ შეძლებულნი თავიანთ ინტერესების დასაცავად.

მაგრამ იყო ამ ახალგაზრდობაშიაც შეგნებული ელემენტები; ეს იყო სოციალისტურად მოაზროვნე ახალგაზრდობა, რომელიც გამოეყო თავიანთ გამსუბუქებულ ბელადებს და ხმამაღლივ კარლ ლიბკნეხთან და ვლადიმერ ლენინთან ერთად სასტიკი პროტესტი განაცხადეს მცარცველურ დაპყრობათი (იმპერიალისტური) ომის წინააღმდეგ, მათ გადაჭრით „ომს ომი“ გამოუცხადეს და დაიწყეს აშკარა და ენერგიული (აქტიური) ბრძოლა მილიტარიზმის (ესე იგი სამარ მზადების) და იმპერიალიზმის (ესე იგი მცარცველურ დაპყრობით ომების) წინააღმდეგ.

მებრძოლთ შეკავშირება მთლიან კავშირში აძლიერებს ძალებს. ამიტომ იყო, რომ 1915 წელს, ესე იგი ომის დაწყების ერთი წლის შემდეგ, ახალგაზრდობის სოციალისტურად მოაზროვნე ნაწილმა შევიცარიის ქალაქ ბერნში მოიწვია საერთაშორისო ახალგაზრდათა გაერთიანების (ინტერნაციონალის) კონგრესი, სადაც მან პირველად განაცხადა—შეკავშირებული ძალით—პროტესტა ომის წინააღმდეგ.

და აი რას ამბობდნენ თავის დადგენილებებში ეს ახალგაზრდა სოციალისტები:

„საერთაშორისო სოციალისტური კონფერენცია, რომელიც შესდგა 5-6 აპრილს 1915 წელს ათი ქვეყნის წარმომადგენელთა თანდასწრებით, ადასტურებს დადგენილებებს საერთაშორისო სოციალისტურ ახალგაზრდობის კონფერენციებისა, რომლებიც შესდგენ შტუტგარტში, კოპენჰაგენში და ბაზელში, რომლითაც მოუწოდებდნენ მშრომელ ახალგაზრდობას მთელი ქვეყნისას—ბრძოლისაკენ, წინააღმდეგ სისხლის-მღვრელ ომებისა და მილიტარიზმისა.

კონფერენცია ღრმა მწუხარებით აღნიშნავს, რომ როგორც სოციალისტური ორგანიზაციები უფროსების, ისე სოციალისტური ორგანიზაციები ახალგაზრდობისა, უმრავლეს ქვეყნებში, ომის წარმოშობისას, არ მოქმედობდნენ თანახმად ზემოაღნიშნული დადგენილებებისა.“

ასე სწერდა მაშინდელ დადგენილებებში ეს



ინტერნაციონალი და ამავე დადგენილებებში იყო სათავე იმ დიადი და მნიშვნელოვანი უქმის დაარსებისა, რომელსაც ჩვენ 14 სექტემბერს ვუქმობთ და ვუქმობდით.

ამ ყრილობამ საჭიროდ სცნო, რათა ახალგაზრდობას აერჩია ერთი დღე, როცა მშრომელი ახალგაზრდობა აჩვენებდა მსოფლიოს თავის ძლიერებას და მომზადებას, გაბედულობას და ბრძოლისათვის თავდადებას.

ახალგაზრდობის ინტერნაციონალს მაშინ ხელმძღვანელობდნენ: მიუნცენბერგი, ოლაუხენი, ხრისტიანსენი, ნოტცი, კატენეზი, და აი, ამ ამხანაგების ხელმძღვანელობით და წინადადებით დაადგინეს: ეუქმათ წელიწადში ერთი დღე და მოეხდინათ მშრომელი ახალგაზრდობის ძალების დემონსტრაცია.

მას შემდეგ ყოველ წელს უქმობენ ამ დღეს.

პირველად ეს დღე იუქმეს 1915 წელს 3 სექტემბერს. დიდის აღფრთოვანებით ჩაისახა ეს უქმე — ბროტესტისა, ომის და მილიტარიზმის წინააღმდეგ, ამერიკაში, გერმანიაში, შვეიცარიაში და სხვაგან.

უფრო გაძლიერდა ეს დემონსტრაციები 1916 წელს, რადგან საშინელი ომის მსხვერპლთა უამრავი რიცხვი უკვე აშკარად ევლინებოდა ევროპას; ძლიერ საგრძნობი იყო ამ მსხვერპლთა რაოდენობა ახალგაზრდობისათვის და ამიტომ იყო, რომ ახალგაზრ-


დობა განსაკუთრებული ძალით ებრძოდა ომს, ამიტომ იყო რომ ახალგაზრდობა პირველი გაპყვა ლენინის და ლიბკნეხტის მოწოდებას, რათა მტაცებლური ომი გადაექციათ ომად და ბრძოლად გაბატონებულ ბურჟუაზიის ჩამოსადგებად.

მსოფლიო მტაცებლური ომი მუშათა კლასმა უნდა გადააქციოს სამოქალაქო ომად, ასეთი იყო მოწოდება ლენინის, ლიბკნეხტისა და მას თამამად მიჰყვებოდა რევოლიუციონური ახალგაზრდობა.

სულ ახალი და ახალი მიზნებით იმართებოდა შემდეგ წლებში ახალგაზრდობის დემონსტრაციები (გამოსვლები): მაგალითად 1917 წელს ახალგაზრდობის მიზანი იყო, რათა მოესპო ძალდატანებითი ზაფები, რომლის ძალით დამარცხებულ სახელმწიფოებს კონტრიბუცია, ანუ გადასახადი უნდა ეხადათ გამარჯვებულებისათვის.

და ახლაც, ომის ათი წლის შემდეგ, მსოფლიო მშრომელი ახალგაზრდობა და მასთან ერთად ჩვენი საქართველოს მუშურ-გლეხური ახალგაზრდობა ვუქმობთ ამ დღეს — ორ სექტემბერს, სულ ახალ-ახალი მიზნების დასახვით, ომის წინააღმდეგ, კაცობრიობის გასაბედნიერებლად და ჩაგრულ მშრომელთათვის სანატრელ ხელისუფლების დასამყარებლად.

ბიჭიკო.



ბავშთა კომუნისტური ჯგუფები სახლგარე-გარედ

გერმანია

დასავლეთ ევროპის ბავშთა კომუნისტურებს შორის ყველაზე უფრო მკვიდრ ნიადაგზეა დაყენებული მუშაობა გერმანიაში. გერმანიის ბავშთა კომუნისტური ჯგუფები აერთიანებს 30—40 ათას ბავშს. მათ აქვთ საკუთარი ეურნალი — „ახალგაზრდა ამხანაგი“, რომლის ტირაჟი 30 ათასს ცალამდე აღწევს. დღემდე გერმანიის ბავშთა ორგანიზაციები მოკლებული იყო სწორ და გეგმიან მუშაობას. ეს თითქმის საერთო ნაკლია დასავლეთ ევროპის ბ. კ. ჯ. ყველა ორგანიზაციების.

კომუნისტურ ორგანიზაციების ლეგალიზაციის

შემდეგ ეს ნაკლიც დაძლეულია. ბ. კ. ჯ. მთელ თავიანთ ძალ-ღონეს ახმარენ იმ მოსამზადებელ მუშაობას, რომელსაც მოითხოვს გერმანიის პროლეტარული რევოლიუცია.

მათელი მათი მუშაობა შეიძლება ჩამოყალიბებულ იქნას შემდეგ მუხლებში:

1. პოლიტიკური მომზადება სხვადასხვა კამპანიების ჩასატარებლად.

2. მონაწილეობის მიღება მუშებისა და ახალგ. მუშების გამოსვლებში ბურჟუაზიულ მთავრობების წინააღმდეგ.



3. კომუნისტური იდეების პროპაგანდა მუშათა და მოზრდილთა შორის.

გერმანიაში ძველი ცნობების მიხედვით ამჟამად არსებობს 300 ბავშთა ჯგუფი, რომელნიც აერთიანებენ 30,000 ახალგაზრდა კომუნარს, გერმანიის ბავშთა ჯგუფები ბექდაიენ ყოველკვირეულ დიდ გაზეთს „ახალგაზრდა ამხანაგს“.

1922 წ. სექტემბერში ბერლინში შესდგა პირველი საერთაშორისო კონფერენცია ბ. კ. ჯ. ხელმძღვანელებისა, რომელზედაც დაესწრა წარმომადგენლები თითქმის ყველა ქვეყნიდან. ასე ჩაეყარა საფუძველი ბავშთა კომუნისტურ ინტერნაციონალს.

ინგლისი

ბ. კ. ჯ. პირველად აღმოცენდა ინგლისში 1922 წელს, თუმცა მათი რიცხვი არც ისე დიდია (900-1000 ბავში), მაგრამ მუშაობა მათში სწორი გზით სწარმოებს.

დიდ ბრიტანეთის ა. კ. კ. მეორე ყრილობამ ბ. კ. ჯ. საკითხში მიიღო რეზოლიუცია, რომელშიაც სხვათა შორის ნათქვამია: ბავშთა კომუნისტურ ჯგუფების დაარსებას მიზნად აქვს ბავშთა ჩაბმა კლასიურ ბრძოლაში და მათი აღზრდა კომუნისტურ მსოფლმხედველობის საფუძველზე. ისინი აწარმოებენ ბრძოლას აგრეთვე სასკოლო რეაქციის წინააღმდეგ და აგრეთვე ბავშთა შრომის შემოღების წინააღმდეგაც. ბ. კ. ჯგუფებს აგრეთვე აქვთ თავიანთი გაზეთი.

ბავშთა მოძრაობა ინგლისში წარმოიშვა გერმანიის ბავშთა მოძრაობასთან ერთდროულად.

აქ მუშათა ბავშები, რომელთაც არ სურდათ ჩაბმულიყვენ ბოი-სკოტიულ ორგანიზაციებში, კვირაობით რევოლუციონურ მუშაობის საწარმოებლად იკრიბებოდნენ.

ინგლისში ახლა ჩვენი ჯგუფების რიგებში რამდენიმე ათასი ახალგაზრდა კომუნარი ითვლება

ამერიკა

ამერიკაში ბავშთა კომ. ჯგუფებს, ანუ როგორც უწოდებენ მას ამერიკაში „მუშათა ახალგაზრდობის ნორჩ სექციას,“ საფუძველი ჩაეყარა ამერიკის კომკავშირის მე-2 ყრილობის შემდეგ, რომელიც შესდგა 1923 წ. ბ. კ. ჯ. აქვთ საკუთარი გაზეთი, ბავშთა ორგანიზაცია აერთიანებს 3.000 ბავშს. ორგანიზაციის სასახელოდ უნდა ითქვას, რომ ის მთლიანად რევოლუციონურადაა განწყობილი და ატარებს მებრძოლ ხასიათს. ოქტომბრის ამბების დროს გერმანიაში ისინი აწარმოებდნენ ენერგიულ ბრძოლას იმის წინააღმდეგ, რათა ჩრდილოეთის შეერთებული შტატები არ ჩარეულიყვენ გერმანიის რევოლუციის ჩაქრობაში. ბ. კ. ჯ. ცენტრალურმა საბჭომ გამოუშვა მოწოდება ბავშთა ორგანიზაციების და პროლეტარულ ბავშვების

მიმართ, რომელშიაც მოუწოდებდა მათ საბრძოლველად, უკეთეს ამერიკის მთავრობა გაილაშქრებდა გერმანიის წინააღმდეგ. ამ მოწოდებას ამერიკის ყოველ კუთხიდან გამოეხმაურენ ბავშები და მათი მზრუნველები.

სკანდინავია

სკანდინავიის ორთავე ქვეყანაში — ნორვეგიაში და შვეციაში — ბ. კ. ჯ. მოძრაობა ატარებდა დღევანდლამდე განმათლებელ ხასიათს. მათ ჰქონდათ მშვენივრად მოწყობილი თეატრი, მუსიკალური წრეები, რომლებმაც თავის განვითარების უმაღლეს წერტილს მიაღწია. რაც შეეხება რევოლუციონურ განწყობილების გავრცელებას ბავშთა შორის, ბავშთა ხელმძღვანელები გვერდს უხვევდნენ ამას. ეს აიხსნება იმ გარემოებით, რომ ხელმძღვანელები უმეტეს შემთხვევაში არ იყვენ კომუნისტები და მუშათა საქმეს არავითარ ყურადღებას არ აქცევდნენ. მაგრამ ნორვეგიის კომკავშირის მე-18 ყრილობის შემდეგ, რომელიც შესდგა ა. წ. თებერვალში, ბ. კ. ჯ. მოძრაობის გზები ძირიანად შეიცვალა. მას მიეცა განვითარების ახალი მიმართულება და ბ. კ. ჯ. ორგანიზაციების სახეც გადასხვაფერდა ახალი შინაარსის და მეთოდების მიხედვით.

ამჟამად შეეციისა და ნორვეგიის ბ. კ. ჯ. ითვლება 5.000 წევრი. მათ აქვთ საკუთარი ორგანო.

ნორვეგიაში ჩვენი ამხანაგები ითვლიან თავიანთ რიგებში 6.000 ბავშს. ბავშთა ჯგუფებს აქვთ აგრეთვე თავისი საკუთარი საბავშო გაზეთი.

ჩხოს-სლოვაკია

ბავშთა კომუნისტური მოძრაობა სწრაფი ტემპით ვითარდება და მშრომელთა მასების წინაშე დიდ პერსპექტივებს შლის. ამჟამად იქაურ ბავშთა ჯგუფებში 5000-მდე ბავში ითვლება.

საზრანგეთში


ბავშთა კომუნისტური ჯგუფები აერთიანებენ რამოდენიმე ათას ბავშს. ბავშთა ორგანიზაციები არსებობს საზრანგეთის ყველა უმთავრეს ქალაქებში. მათი ნიშანი ნამგალი და ჩაქუჩია.

ფინლიანდიაში

ბავშთა კომუნისტური მოძრაობა არსებობს 1920 წლიდან.

მრავალი ამ ბავშთაგანი მონაწილეობდა 1918 წ. პროლეტარული რევოლუციის დროს წითელ არმიელთა ნაწილებში საკავშირო რაზმების სახით.

ფინლიანდიაში ამჟამად 100 მეტი ჯგუფია, რომლებშიაც გაერთიანებულია 6.000 წევრამდე.





ბ რ ძ მ ლ ის ვ ე ლ ზ ე ¹⁾

მუს. შავჩაიძევილისა.

სიტყ. ნ. ბოდბეაშვილისა. *Moderato con dolore.*

ორ-ბიანი გუნდი.

სა, ფი - რა წა - ი - ლა; თვა - ლე წამ - წა -

ა. ცივს მი - ლა - მო - ში; ქანს გაუ - შლი

მი უ - უ - კრა ყინ - ვამ; ო - ცხე ბა მი

ა. *mezzo* უა - ვი. ფა - ფა. რი. # რა ის - კი ამ

სი - ბმრითუე - ბო - ქა; შოვს, იქ... სა - კუ -

ღრმოს რა - რა - ჯარ ი - ღვა; ხის ძიხსე - ჯო -

თარ ქო - ბი - სა ხილ ვამ; ქო - ბი - სა ხილ

ვნა კარ - გი წა - ფა. რი; კარ - გი წა - ფა -

კამ. *Allegro* 2. მო - ხუცი დე - ლა; ყმა წვილი ცო - ლი

რი. *rit.* ზეულჩაფრო - ბი - ლათ ში - ში - ნებს კე - რა,

ლა მა - თი ბულოც; თითქმისტი - ტვე - ლა.

უე - მის ღო - ში - ა მას ირ - გვოყვე - ლა,


Tempo I 2. მის ხა - ჭნა კე - - რა; და - ბნულაქო -

ბში... შოვს გე - ი - ფა - ტა 1. მუ - ბედ მი ყრბი

ბილს წა - ა - ღვა ვი ლა... ხას - ცა ლა - ხვა ჩი...

2. *morendo* ტბილი სიგ მრე ბი, ტბილი სიგ მრე ბი... ბი...

1) იმპერიალისტური ომისათვის დაწერილი.



დღეს ზეიმი აქვს ზაფხულსა,
ფეხთ ქვეშ უგია ნოხები,
სტუმრად ჰყავს ხილთა სამეფო,
კოპწია ფერად ჩოხებით.

ხელიდან ხელში გადადის
ნექტარით სავსე ფიალა.
ნიავეს ფერხული დაუბამს
და ტყე ტაშს უკრავს შრიალა.

მსხალს სახე აჭარვებია
და ვაშლს უღვივის ლოყები.
გარს ეხვევიან ბავშვები
ზოგი ქვით, ზოგი ჯოხებით.

ბროწეულს გახსნილ ბაგეთგან
მოუჩანს ლალის კბილები...
ვიშ, აგერ შვინდაც რა რიგად
უხდება მარჯნის ღილები!

დღეს ზეიმი აქვს ზაფხულსა,
ტანზე აუსხამს ლალები;
უცქერ და მისკენ მიილტვის
სული, გული და თვალები.

გ. რუხაძე.



ობოლი ტიტეო

შებინდებული იყო. მატარებელი ქშენით
უახლოვდებოდა ტყიბულის სადგურს. ორ-
თქლმავალი გამგეტებით გაჰკიოდა და დაუ-
ნდობლად არღვევდა გაზაფხულის საღამოს მყუდროე-
ბას. ცა მუქად გამოიყურებოდა. აქა-იქ ვარსკვლავები
ციმციმებდნენ. ახალი მთვარე ამოჰფარებოდა ლეჩაქი-
ვით თხელ ღრუბელს და პირბადე ახვეულს თითქმის
ფრიდებოდა სახის გამოჩენა. იმისი ნაზი სხივები ოდნავ
აშუქებდა მაღალი მთის მწვერვალს, რომელსაც მიახ-
ლოვებოდა და ის-ის იყო გადაქანებდა აპირებდა, მგზავ-
რები ამ სურათს ვერ აშორებდნენ თვალს. ვაგონების
ფანჯრებიდან მოსჩანდა აქა-იქ სახლებში სინათლე.
მგზავრები ჯგუფ-ჯგუფად ბაასობდნენ. ყველაზე მეტად
იპყრობდა ყურადღებას ერთი შექალაქარავებული
მგზავრი. მის ხალისიან თხრობას შემოაეკრიბა გარ-
შემო მსმენელების კარგა დიდი ჯგუფი.

— ოჰ, ოჰ, ოჰ, რა წვიმიანი მაისი იქნება! —
მტკიცედ განაცხადა მოხუცმა ივანემ, გამოუშვა პი-
რიდან ჩიბუხის მუქი კვამლი, დაისვა რბილ და თეთრ
წვერზე ხელი, დაეყრდნო ცალი იდლიით ჯოხს და
მთვარეს მიაჩერდა.

— შეხედე, შეხედე, როგორ ჩამოკიდებულა
ახალი მთვარე, სწორედ დავლებით წვიმით. ჰოდა,

იმას ვამბობდი, — განაგრძო ივანემ, — მე მაშინ ჯერ
მთლად ყმაწვილი ვიყავი, სულ რაღაც ოციოდე
წლისა ვიქნებოდი. ახლა რომ მუშაობთ იოლ
პირობებში, მაშინ კი ასე არ იყო. ვის გაეგონა
მაშინ მუშის ჯანმრთელობაზე ზრუნვა. რა იყო
8 საათის სამუშაო დღე? ვინ იტებდა ამაზე თავს?
ჩვენი გლეხი ცოლიან-შვილიანად ამ ქვანახშირზე
იყო გადაყოლილი და მაინც ტიტველი და მშერბი
იყო. ახლა გადატანას არ იტყვიან? ვინ იცოდა
მაშინ რკინის გზა? ჩვენი ქედმაგარი ხარები იყვნენ
ერთაგად გაბმულნი უღელში და გადაჰქონდათ
ქვა-ნახშირი. ოჰ, ოჰ, ოჰ, რა ამბები იყო პირვე-
ლად რომ შემოვიდა „მაშინა“ ტყიბულში! ეს 1886
წელს მოხდა. ჩვენ, ახალგაზრდებს, მანამდისაც გვე-
ნახა მატარებელი, მოხუცებულები კი მთლად გა-
დარია ამ ამბავმა, ვერაფრით ვერ დააჯერებდით, რომ
ეშმაკეული არ ამოძრავებდა „მაშინას.“ ამ დალო-
ცვილმა რკინის გზამ ერთბაშად კი გამოაცოცხლა
ტყიბულა. სულ რაღაც სამ-ოთხ წელში აუარებელი
მალაროები გაჩნდა და მუშა ხელმაც ერთი სამად
იმატა.

— ასეა, ასეა, ჩემო ივანე, — ჩაერია ლაპარაკში
ბნელ კუთხეში მჯდომი ძვილი მუშა გაბო. — არც
ჩვენა ვართ სხვებზე ნაკლები, ჩვენც შეგვიძლია



საკუთარის გამრჯელობით და შრომის მოყვარეობით ავაყვავოთ ჩვენი ქვეყანა. რა არ შეუძლია მუშის ხელს? ხომ ნახე ქალაქის ქუჩებში როგორ იდღესასწაულა მუშამ პირველი მაისი. ვინც ასე ზეიმობს თავის ბრძოლის და გამარჯვების დღეს, იმას ვერაფერი გაუჩერდება წინ.

— ბილეთები, ბილეთები,— დაიძახა კონდუქტორმა, შემოალო კარი და თავისი გამქვართლული ხელის სანათი მიანათა ლაპარაკში გართულ მგზავრებს. ატეხილმა ხმაურობამ და კარების ჯახუნმა გამოადღედა ტიტკოც, რომელსაც თავის მამის ლაპარაკში ტკბილად ჩასძინებოდა. ის ძილშიც ხედავდა მუშების მხიარულ სახეებს, წითელი დროშების ტყეს, ესმოდა მხიარული სიმღერები.

მამის გამამხნევებელი სიტყვები პირველ მაისის

სობის შესახებ ძილში მოესმოდა, როგორც საამური ჰანგი და უღვიძებდა ახალგაზრდა გულში ბრძოლის სურვილებს. სადგური გამოჩნდა. ორთქლმავალმა უკანასკნელად ამოიქშინა და გაჩერდა. ჩამოვარდა სრული სიჩუმე. მგზავრები წამოიშალენ, აიღეს თავ-თავისი ბარგი. გაბომ და ტიტკომაც მიაშურეს კარს. ცოტა ხანს შემდეგ მამა-შვილი ისხდენ ოთახში და ვახშამს შეექცეოდნენ.

— აბა, შვილო, ახლა კი დავიძინოთ, დილაზე ადრე ვართ სამუშაოზე წასასვლელი. მალე მამა-შვილი ძილს მიეცენ.

კარგა ხანია გაბო ქვანახშირის მაღაროებში მუშაობს. ის მეტად ხელმოკლე გლახია. ულმო-ბელმა ავადმყოფობამ ცოლი მოსტაცა. გამრჯელი და კარგი მეოჯახე იყო კესო. ის მხარში ედგა



მუშების დასვენება.

თავის ქმარს და ისე ჰქონდა ოჯახი მოწყობილი, რომ მტერსაც უძღვებოდა და მოყვარესაც. ტიტკო 10 წლისა დასტოვა. როგორ უყვარდა ტიტკო. გაბო თუმცა დიდი ხანია მაღაროებში მუშაობდა, მაგრამ ოჯახის მუშაობასაც ახერხებდა. ახლა კი, გულაცრუებულმა, მიატოვა სახლი და ტყიბულში გადასახლდა თავისი შვილით. ოთხი წელიწადია, რაც ტიტკო ჩაბმულია მაღაროების მუშაობაში. ის ყველას საყვარელია.

ჯერ კიდევ ბნელოდა, როცა საყვირი გაისმა.

მისმა ბოხმა და მოსაწყენმა ხმამ გაარღვია მძინარე ჰაერი, შევიდა მყუდრო ოთახებშიც და ტკბილად ჩაძინებულთ დაუფრთხო დილის ძილი. იმდენად მობებურებელი იყო ეს ხმა, რომ ყველას ძალაუნებურად უნდა დაეღწია ძილისათვის თავი და ამდგარიყო. მალე სოფელში აქა-იქ აინთო ცეცხლი, ეტყობოდა ყველა ქოხში საშუაოსათვის ემზადებოდ.

თუმცა ძალიან ეზარებოდა დაქანცულ ტიტკო



მუშები საუზმობენ.

კოს ადგომა, მაგრამ ის მაინც წამოხტა, ჩაიცვა სამუშაო ტანისამოსი, გააღვიძა მამა და ცეცხლი დაანთო მჭადის გასაფიცებლად. მალე საყვირის მეორე ხმაც გაისმა და ჩვენი მუშები გზას გაუდგნენ.

ქუჩაში უკვე გახშირებული მოძრაობა იყო, მუშები მიიშრთებოდნენ მალაროებისაკენ, ზოგი წყვილ-წყვილად, ზოგი ჯგუფ-ჯგუფად. ყველა სამუშაო ტანისამოსში იყო გამოწყობილი. ზოგს ნიჩაბი ჰქონდა გადებული მხარზე, ზოგს ლომი ან წერაქვი. მალე მუშებმა მალაროსთან მოიყარეს თავი. მალაროებს აქა-იქ გველეშაპებივით დაედოთ პირი. ტიტკოს წინად ეშინოდა მალაროში შესვლის ყოველთვის საყვარელი დედა ახსენდებოდა, თვალწინ წარმოუდგებოდა, როგორ ჩაასვენეს ის ბნელ სამარეში. ყველა ეს დიდი ხანია დაავიწყდა ტიტკოს; აი ახლაც სხვა მუშებთან ერთად ხელის სანათურით შეიარაღებული ტიტკო მალაროში შევიდა. მუშები მალაროს მოედნენ. ტიტკო და მისი ამხანაგი, მიხაც გაჰყვნენ გზას. მიხა დიდი ხანი არ არის რაც მუშაობს.

იმას ყველაფერი აკვირვებს. ტიტკოს დაჰყავს ყველგან და აჩვენებს. ისინი მიდიან საკმაოდ ფართე გზით. გზაზე ლიანდაგია გაყვანილი, რომლითაც პატარა ვაგონებით ქვანახშირი გარეთ გამოაქვთ. თანდათან მუშების რიცხვი კლებულობს. ისინი

შედიან მარჯვნივ და მარცხნივ გაყვანილ შესახვევებში. მიხა რწმუნდება, რომ ქვესკნელი მშვენივრად ყოფილა მოწყობილი ქუჩებით, შესახვევებით და ჩიხებით. ერთ-ერთ შესახვევეში ჩვენი ახალგაზრდებიც შევიდნენ. გაბო წინ მიდიოდა წელში მოღუნული, მას მისდევდნენ დანარჩენი მუშები. შესახვევი იმდენად დაბალი იყო, რომ აღამიანი წელში ვერ გაიმართებოდა. მალე მუშები გაწვენ, მოიპარჯვეს წერაქვები და გაჩაღდა მუშაობა. ქვანახშირი ვერ უძლებდა მუშების წერაქვის მძლავრ მოქნევას და დიდრონ ბელტებად ცვიოდა.

— აბა, მიხა, გამოვიტანოთ ჩქარა ნახშირი, თორემ მუშაობას ვაფერხებთ. — უთხრა ტიტკომ მიხას.

სულ მალე პატარა ვაგონი აივსო ქვანახშირით და ჩვენმა ახალგაზრდებმა ის გარედ გამოაგორეს. ლიანდაგზე ისე ადვილად მიგორავდა ვაგონი, რომ ხელად გაიტანეს დიდ მოედანზე, სადაც ქვანახშირი გროვდებოდა. მიხას საშინლად ეხალისებოდა ეს მუშაობა. ყველაზე მეტად კი მოსწონდა, როცა ცარიელი ვაგონი ისევ მალაროში შეჰქონდათ. ხშირად ჩაჯდებოდა ხოლმე ცარიელ ვაგონში და ასე ასვირნებდა მას ტიტკო. ზოგჯერ, როცა მუშებს ნახშირის მავარი ფენები შეხვდებოდათ და წერა-



ქვით ვკოას გახდებოდენ ლალუმს მიმართავდენ ხოლმე. მიხამ ეს ამბავი არ იცოდა. ერთხელ მაღაროს შესავალთან იდგა, მოესმა საშინელი გრიალი. მიხას ძალიან მოჰქონდა თავი გულადობით, მაგრამ ამ ხმას ვერ გაუძლო და „ვაი დედა“-ს ძახილით ქვევით დაექანა. იქვე მდგომი ტიტკო-სიცილმა აიტანა ამან ცოტა არ იყოს, გულადობა დაუბრუნა ჩვენს გმირს. მას შემდეგ ხშირად მოაგონებს ხოლმე ტიტკო: „რა მწარედ მიბოდი, მიხა, თითქოს ზარბაზნის ტყვიას გაუძნელდებოდა შენი დაწვევა.“

— პირველ ხანებში შენც კი დაგმართია ასეთი მარცხი, — უპასუხებდა დარცხვენილი მიხა.

მაღალი ნაჭერალის მთის კალთები დასერილია ვიწრო ბილიკებით, აქა-იქ მოსჩანს მაღაროს შავი, ფართედ დაღებული პირი. ბილიკებზე მუშები ჭიანჭველებივით მოსჩანან. დრო გამოშვებით გამოჩნდება ხოლმე დიდი შავი ყუთი ქვანახშირით სავსე. მოფრინავს ჰაერში ეს ყუთი და მოაქვს იმავე მოედნისკენ ქვანახშირი. პირველად ამ ამბავმა ძალიან გააკვირვა მიხა. მალე დარწმუნდა, რომ ყუთი ჩამოკიდებულია გაბმულ მავთულზე და ასე ადვილად იგზავნება ქვევით ნახშირი. მიხა არ დამწვიდდა სანამ ზემო მაღაროებიც არ დაათვალიერა. აქაც წინამძღოლად ტიტკო ჰყავდა. ტიტკომ ბევრი რამ იცოდა ქვანახშირის შესახებ და გზაზე ბევრი საინტერესო რამ უამბო მიხას უთხრა ისიც, რომ კვირაობით ერთი მასწავლებელი ბაასს უმართავს მუშებს და ბევრ საინტერესო ამბებს უყვება. — წარსულ კვირას მასწავლებელმა გვიამბო სხვა ქვეყნებში როგორ მუშაობენ მაღაროებში, — დაიწყო ტიტკომ. ქვანახშირით ყველაზე მდიდარი ქვეყანა ჩრდილო ამერიკა ყოფილა. ამერიკის საბადოების არე აღმატება მთელი გერმანიის არეს. ასევე მდიდარია ქვანახშირით ჩინეთი. ევროპაში კი ყველაზე მდიდარია ინგლისი, რაც შეეხება რუსეთს, მეტად მდიდარი ყოფილა დონეცის აუზი. დონეცის ქვანახშირი ღირსებითაც ძალიან კარგი ყოფილა. ომის წინა წლებში იქ ქვანახშირის მოპოვებას წლიურად თითქმის 2 მილიარდ ფუთამდე მიუღწევია. რუსეთს ისეთი დიდი მოთხოვნილება ჰქონია ქვანახშირისა, რომ გარდა თავის ნახშირისა უცხოეთიდანაც შემოჰქონდათ წლიურად ნახევარ მილიარდ ფუთამდე. ჩვენში ამდენ ნახშირს, რასაკვირველია, ვერ ვამუშავებთ ჩვენ რომ გვეგონათ, იქო ჩვენში მარტო ტყიბულში მოიპოვება ქვანახშირი, მართალი არ არის. ამ მხრივ ბევრად უფრო მდიდარი ყოფილა ტყვარჩელის საბადო. ის მდებარეობს ოჩემჩირის ახლოს. ის ნახშირი ტყიბულის ნახშირზე ღირსებით ბევრად

უკეთესია, მაგრამ ჯერ არავინ ამუშავებს, რადგან ამის დაწყებას დიდი ძალი ფული სჭირდება. შავი ზღვის სიახლოვეც ძალიან ხელსაყრელია, რომ უცხო ქვეყნებში ადვილად გაიგზავნოს ეს საქონელი.

სხვა ქვეყნებში მაღაროები სხვანაირად ყოფილა მოწყობილი. აქ თითქოს განგებ ჩამოუთლია ვინმეს მთა და მის კალთაზე სხვადასხვა სიმაღლეზე გაუკეთებია ადამიანს აი ეს ხერგლები. სხვა ქვეყნებში დიდი ორმოები ყოფილა ამოთხრილი, ხშირად რამდენიმე ათეული საყენის სიღრმეზე. ამ ორმოებში მუშები ჩადიან მანქანით. ჩაჯდებიან მუშები ვაგონში და საოცარის სისწრაფით მიექანებიან ქვესკნელისკენ. რამდენიმე ათეულ მუშას ერთბაშად ჩაჰყლაპავს პირდაღებული ორმო. მასწავლებელი ამ ამბავს რომ გვიყვებოდა, ბაბუა ჩემის ნაამბობი ზღაპარი მაგონდებოდა — გაისმა სახარელი ხმა, იტყოდა ბაბუა, დედამიწამ დაალო პირი, ამოვარდა გავარვარებული ალი, ამოჰყვა ტარტაროზი, ტარტაროზმა დაავლო ხელი მეფის შვილს და ქვესკნელისკენ გააქანაო,“ ეს ქვესკნელი მშენებრად ყოფილა მოწყობილი ფართე ქუჩებით და შესახვევებით. შიგ ადამიანების გარდა თურმეცხენებიც მუშაობენ საცოდავი ცხენები მთელი თავის სიცოცხლეს ამ სიბნელეში ატარებენ, ისინი სულ მალე ბრმავდებიან.

ეს მაღაროები ხშირად ისე ღრმად არის, რომ შიგ მუშაობა შეუძლებელი იქნებოდა, რომ საქაჩავი მანქანებით არ აწვდიდენ ჰაერს. ვინ იცის რამდენ უბედურ შემთხვევას ჰქონია ადგილი ასეთ მაღაროებში, ყველაზე თავზარდამცემია გრიალა გაზი. ამ გაზს ისეთი თვისება ჰქონია, რომ თუ ცუცხლი მიუახლოვე, ის იგრიალებს საშინელის ხმით და, რასაკვირველია, ადამიანსაც არ დასტოვებს ცოცხალს. როცა დიდ სიღრმეზე სქელი ფენების დაწოლით იშლება მცენარე, — ის გამოჰყოფს აი ამ გრიალა გაზს.

აქა-იქ ის დაგროვებულია ქვანახშირის ფენებს შუა. თხრის დროს, თუ გამოსავალი ნახა გრიალა გაზმა, მოედება მაღაროს. აქ გაისმის ხოლმე საშინელი გრიალი და მსხვერპლიც ბევრი მოჰყვება ხოლმე.


დედამიწის ზედაპირზე ნახშირი იმავე ვაგონებით ამოაქვთ. ხშირია შემთხვევები, როცა ამ დიდ სიღრმეზე გამოჩნდება წყალი და წალეკავს მაღაროს. ბევრი მუშა შეუწირავს ამ უბედურ შემთხვევებს.“

დიდი გამოყენება ჰქონია ქვანახშირს. ის საუკეთესო სათბობი მასალაა. სითბოს გაცილებით მეტს იძლევა, ვიდრე ხის ნახშირი. ამიტომ ის იხ-

მარება ლითონების ღნობის დროს და საზოგადოდ იქ, სადაც დიდი სითბოს მიღება საჭიროა. ის უზარმაზარი ქარხნები, რომელიც ურცხვ სიმდიდრეს ჰქმნიან, ერთ წუთსაც ვერ იმუშაებდნენ, რომ ქვანახშირი არ იყოს. ამიტომაც, რომ ეს შავი, მურიანი ქვანახშირი ხშირად იქცევა ომის, ხოცვა-ჟლეტის მიზეზად, ამიტომ მიაშურა გამარჯვებით გათამაშებულმა საფრანგეთმა ქვანახშირით მდიდარ რუარის აუზს და წაართვა ის დასუსტებულ გერმანიას.

ქვანახშირის მშრალი გამობნობით ჩნდება სანათი გაზი. მასწავლებელმა გვაჩვენა, თუ როგორ შეიძლება ამ გაზის მიღება, მან ჩაყარა ქვანახშირი ცარიელ შუშაში. შუშას დაუცო საცობი, რომელშიც მუხლად მოღუნული შუშისავე მილი გაატარა, ცეცხლზე შეათბო ეს ნახშირი და მილიდან დაიწყო დენა გაზმა. როგორც კი მიუტანა ამ გაზს ცეცხლი, გაზს მოეკიდა და ლამაზი ალით იწყა წვა.

ამ გაზსაც მეტად დიდი გამოყენება ჰქონია. კიდევ ბევრი რა უამბო ტიტუკომ მიხას. მიხა გულმოდგინედ უსმენდა ტიტუკოს. აზრით მან უკვე მოასწრო ჩრდილო ამერიკაში გადაფრენა, ინახულა ინგლისის მალაროები, ჩინეთშიაც კი ამოყო თავი. ლაპარაკში ისინი მიაღწენ ძველ, მიტოვებულ მალაროს კარს. ის უკვე გამოფიტული იყო. ოდესღაც შედგმული მალალი მუხის ბოძები უკვე გამოშვლიყო, შიგ შესვლას ვეღარავინ ბედავდა, ჩამონგრევისა ეშინოდათ. იშვიათად თუ ავიდოდა ვინმე იქ. გადასახედავი კი კარგი იყო. მთელი მუშაობა ხელის გულზე იყო გამოტანილი. აგერ ჩამომდგარა მატარებელი. ღია ვაგონები დატვირთული ნახშირით. ორთქლმავალი ქშინავს, თითქოს მოთმინება დაღვევა, ჩქარა გამიშვითო. იქით მუშები ტვირთავენ ვაგონებს. მუშების ერთ ჯგუფს აუღია მუშაობაზე ხელი და „ბარაკებისაკენ“ მიდიან, იქ საე-



უცხოეთის მალაროებში მუშაობა

როთო სასადილოში დაისვენებენ და ისადილებენ. მუშების ნაწილი იქვე მყოფ სამკითხველოს სწევია და გაზეთებს კითხულობს სამკითხველოს ეზოში.

ჩვენ ახალგაზრდებს უნდოდა შესულიყვენ მიტოვებულ მალაროში, მაგრამ ვერ გაბედეს.

სამარისებური მყუდროებაა მიწის სიღრმეში. აქა-იქ ადამიანმა დაარღვია ეს მყუდროება და შეიქრა შიგ თავისი წერაქვებით და ნიჩბებით. ოდესღაც, რამდენიმე ათასეული წლის წინად, ის ადგილები, რომლებიც ახლა მიწის სიღრმეშია მოქცეული, დედამიწის ზედაპირს შეადგენდა. ვინ იცის, როგორ ღულდა იქ სიცოცხლე. ხშირი ტყეები ცხოველებით, ფრინველებით და მწერებით ფარავდა ამ ზედაპირს. მუდმივი არაფერია, ათასნაირი ცვლილებები ხდება დედამიწის ზედაპირზე. ასეთ ტყიან ადგილებს მრავალ საუკუნეთა მანძილზე წალეკავდა

ზღვა, წააყრიდა ზედ სილას და ამრიგად ეს ხშირი ტყე გაჩნდებოდა სადღაც ზღვის ფსკერს ქვეშ. ეს ხდებოდა მაშინ, როდესაც დედამიწა დიდ და სწრაფ ცვლილებებს განიცდიდა, მისი ზედაპირის მოყვანილობა ჯერ დაუმთავრებელი იყო.

დედამიწის ზედაპირზე, რასაკვირველია, ახლაც ხდება ცვლილებები, მაგრამ ეს ცვლილებები ახლა ისეთი სისწრაფით აღარ ხდება. ხომ ცნობილია, რომ ის ადგილები, სადაც დღეს ხმელეთია, უხსოვარ დროს დაფარული იყო ზღვით. უდავოა, რომ ხმელეთის ის ნაწილი, სადაც ახლა ჩვენ ვმოსახლებობთ, ოდესღაც ზღვის ფსკერს წარმოადგენდა. მხოლოდ ამით აიხსნება ის, რომ ჩვენში, ხშირად მთის სხვადასხვა ჯიშებზე აღზევდებოდა ზღვის ცხოველთა და თევზების ჩონჩხი. აი, ამოიზნიქა ზღვის ფსკერი, ამოვიდა წყლის ზედაპირზე და თან ამოიტანა სხვათა შორის ქვანახშირის საბადოებიც.



შუა ზაფხული იყო. მკათათვის სიცხით დათენთილი მუშები ხშირად ძველ, მიტოვებულ მალაროებში იფარავდნენ თავს მზის უღმობელ სხივებისაგან. შუა დღის საყვარი გაისმა, მუშები გამოვიდნენ მალაროებიდან სასაუზმოთ. ტიტკო და მიხა შეექცენ ქაღალს და ყველს.. ჩვეულებრივი ტკბილი მუსაიფით შევიდნენ ერთ-ერთ ძველ მალაროში. სიგრილემ ისინი კარგ გუნებაზე დააყენა. ხელის სანათის მკრთალი შუქი ოდნავ სინათლეს ჰფენდა აქა-იქ ჩამოზვავებულ მიწას. მიუხედავად იმისა, რომ ჰერს შედგმული ჰქონდა ბოძები, ზოგიერთ ადგილას ისე ბლომად ჩამოზვავებულ იყო მიწა, რომ ტიტკოს და მიხას უძნელდებოდა სიარული. ტიტკომ იცოდა რომ ასეთ მალაროებში ხშირი ყოფილა უბედური შემთხვევები და დაწინაურებულ მიხას ურჩევდა უკან დაბრუნებას. თითქოს გრძნობდა ტიტკო; რომ რაღაცა უბედურება უნდა დატრიალდეს. გაისმა გულშემზარავი ხმა. შეშინებულმა ტიტკომ დაუძახა მიხას, მაგრამ პასუხი ვეღარ მიიღო. ცხადი იყო რომ მიხა მოჰყვა ჩამოზვავებულ მიწის იქით, თუ თვით მიწის ქვეშ არა. ტიტკო ფიცხლავ გამოეშურა გარედ. მალე ეს ამბავი მოედვა მთელ მუშებს. ყველამ წერაქვებით და ნიჩბებით მიაშურა ჩამონგრეულ მალაროს.

მიუხედავად იმისა, რომ ძალიან სახიფათო იყო მუშაობა, ყველა თავგამეტებით მუშაობდა. ჩამოზვავებულ მიწას სთხრიდნენ და გარედ გამოჰქონდათ. ძნელია იმის აღწერა, რა ემართებოდა ტიტკოს. ის დარწმუნებული იყო, რომ მიხა მოჰყვა ამ


ზვავს ან უკეთეს შემთხვევაში ვიწრო. ჩიხში იგუდება უპაეროთ. რამდენიმე საათის მუშაობის შემდეგ მუშებს მოესმათ მიხას მისუსტებული ხმა. მალე ის გამოაყვანეს სრულიად გაფითრებული და ცოცხალ-მკვდარი. როცა დამშვიდდა და ძალღონე მოიკრიბა მიხამ დაწვრილებით უამბო ტიტკოს, თუ რას გრძნობდა იმ უბედურობის დროს.

— მე დარწმუნებული ვიყავი, ამბობდა მიხა, რომ შენ მიწის ქვეშ მოჰყევი, პირველად არ მეშინოდა, მიწას ხელით დაუწყე თხრა, მეგონა იმდენად თხლად იწვა მიწა, რომ ხელითაც გავაკეთებდი ხვრელს, მაგრამ მალე დავრწმუნდი, რომ დიდ ზვავს იქით ვიყავი მომწყვდეული. დავრწმუნდი იმაშიც, რომ შენ ზვავმა მოგვიყოლია და ამიტომ ჩვენ ვერავინ მოგვანებდა იმ ჯურღმულში. მალე იმდენად შეიხუთა ჰაერი, რომ სანათმა ბჟუტვა დაიწყო. ამან მთლად დამიკარგა იმედი. მომესმა მუშების ხმა, ნიჩბების და წერაქვების ჩხარუნნი. ამის შემდეგ რა მოხდა, როგორ გამომიყვანეს გარედ,—ის აღარ მახსოვს.“

ამ ამბის მოგონებაზე მიხას ყოველთვის ქრუანტელი უვლიდა ტანში.

დიდმა ხანმა არ განვლო ამის შემდეგ, რომ ერთი ინჟინერის დახმარებით მიხა და ტიტკო შევიდნენ ტბილისის მუშათა ფაკულტეტში და განაგრძობენ იქ სწავლას.

პ. ტფილელი.



წ ე ა რ ო



თიდან მოჰქუხს
შვების წყარო;
და აღარ სწუხს
ყრმა სამყარო...

და მდელიოზე
მონაგარდებს,—
საყელიოზე
ებმის ვარდებს...

მოსჩანს კრთომა
მზის ციაგზე;
ცელიქის ხტომა
ლურჯ წიაღზე...

შვენის ცვარი
ფოთლების ყურს,
მრავალგვარი
სიამით ქუხს...

ყვავილთ ქოჩორს
ნეტარად ჰბანს,
სიო კი შორს
უმღერის ბანს...

ბალახთ შორის
მორბის ღიმიით;
მზისა სწორი
ნაზ ციმციმით...



სიცოცხლე გამარჯვებისთვის

ოდესღაც, ძველად, ცხოვრობდა ხალხი. გაუვალი ტყე სამი მხრიდან გარს ევლებოდა მის ბანაკს, ხოლო მეოთხე მხრით თვალუწვდენელი ველი იყო გაშლილი.

ეგ ხალხი ჯანსაღი, მხიარული და გულადი იყო. მაგრამ დადგა დრო: გამოჩნდა საიდანღაც სხვა ჯურის ტომი, რომელმაც ტყის სიღრმისკენ განდევნა დამხედარი ხალხი. დევნილთ ტყეში დახვდათ სიბნელე და ქაობი. ტოტემ-გადახლართული ტყე ხშირი ფარავდა ცას და იშვიათად ატარებდა მზის სხივს.

მაგრამ როდესაც შუქი მოეფინებოდა ქაობში ჩამდგარ წყალს ასდიოდა შმორი და ხალხი უმოწყალოდ იღუპებოდა.

ტირილი მორთეს ცოლებმა და შვილებმა, ხოლო მამები ჩავარდნენ საგონებელსა და მწუხარებაში.

უნდოდათ ტყიდან გასვლა, მაგრამ ირგვლივ მდგარი უზარმაზარი ხეები, ისე მჭიდროდ გადაჭიდულიყვენ თავისი მძლავრა ტოტებით, რომ ტყეს თავს ვერ აღწევდნენ.

და ყოველთვის დღისით თუ ღამით, გარშემო უვლიდა მათ რკალი, რომელიც უპირებდა ველსა და მინდორს შეჩვეულ ხალხს მოსპობას, გაჭყლევას.

ამიტომ იჯდა და ფიქრობდა ხალხი გრძელ ღამეების განმავლობაში, ტყის ყრუ ჩურჩულში, თუ რა მოემოქმედა, როგორ მოქცეულიყო.

არაფერი არ ასუსტებს ადამიანის ტანსა და სულს ისე, როგორც მწუხარე ფიქრები, გულის მიმღებელი სისხლის მწოვი; და დასუსტდა ხალხი ასეთ ფიქრებისაგან. შიში გაჩნდა მათ შორის და შებოქა მათი ნებისყოფა. ქალები დასტიროდნენ მიცვალებულთა გვამებს და ცოცხალთა ბედს. და გაისმა ტყეში შიშის სიტყვები ჯერ მკრთალად და ჩუმად, შემდეგ უფრო და უფრო ხმამაღლა.

უკვე გადასწყვიტეს დამორჩილებოდნენ მტერს, გაეცათ თავი. არავის არ ეშინოდა მონურ ცხოვრება ისეთი იყო შიში სიკვდილისა.

მაგრამ გამოჩნდა მათ შორის დანკო და გადაარჩინა ყველანი.

დანკო იყო ახალგაზრდა და ღამაზი. ღამაზნი ყოველთვის გულადნი არიან. მან უთხრა თავის ამხანაგებს: — თქვენი ფიქრებით ქვები არ დაიძვრის. ვინც არაფერს აკეთებს, მას სიკეთე არ მოელის. რატომ ვხარჯავთ ამდენ ძალ-ღონეს მწუხარებაზე? ადექით, წავიდეთ ტყეში, გავიაროთ

ნუთუ მას არა აქვს დასასრული? — ქვეყანაზე ყველაფერს დასასრული აქვს. ადექით, აბა, ჰეჰეი!“

შეჰხედეს მას და დაინახეს, რომ იგი ყველაზე უკეთესია მათ შორის, იმიტომ რომ მის თვალებში ელვარებდა სიძლიერე და ცოცხალი ცეცხლი... — წავიყვანე! — უპასუხეს მათ.

და დანკომ წაიყვანა ისინი.

ძნელი გზა იყო. ბნელოდა, ყოველ ფენის გადაღმაზე გაუმძღარი ქაობი დამპალი პირით ყლაპავდა ადამიანებს, და ხეებიც მიუვალ კედლებივით იდგა.

დიღხანს მიდიოდნენ. ტყე სულ უფრო და უფრო გაუვალი ხდებოდა, და ხალხსაც სულ უფრო და უფრო ძალ-ღონე ეკარგებოდა.

და, აი, თანდათან უსიამოვნობის ჩურჩული გაისმა. სჩიოდნენ, რომ ტყუილ-უბრალოდ წამოგვიყვანა გამოუცდელმა ახალგაზრდა დანკომ და დაგვანია ტყეშიო.

თვითონ დანკო კი მიდიოდა წინ თამამად და დაუღალავად.

მაგრამ უცბად გაისმა ჰეჰა-ქუხილი. ახმაურდა ტყე ყრუდ, მუქარით. ისე დაბნელდა, თითქოს ყველა ღამეს აქ თავი მოეყარა. ყველა ღამეს, რაც ქვეყანაზე იყო.

ხალხი სულით დაეცა, მაგრამ არავის არ უნდოდა უძღურების გამომეღავენება. წყევლით და მუქარით მივარდნენ დანკოს, რომელიც ყველაზე წინ მიდიოდა. ბრალს სდებდნენ, რომ გამოუცდელი იყო წინამძღოლობაში.

შესდგა ხალხი გამაყრჭოლებელ სიბნელეში. დაღლილნი, გაბრაზებულნი ასამართლებდნენ დანკოს.

— შენ, — უთხრეს დანკოს — უმნიშვნელო და უბედურების მომგვრელი ადამიანი ხარ! შენ წამოგვიყვანე ჩვენ და დაგვქანცე, ამისათვის უნდა მოკვდე.

— თქვენ სთქვით „წავიყვანეო“ — და მეც ავასრულე. — პირისპირ ყვირილით უპასუხა დანკომ! — მე თამამი ვარ და ამიტომ ვიკისრე წინამძღოლობა, თქვენ კი, რა ჰქენით თქვენდა სასარგებლოდ? თქვენ მხოლოდ მოდიოდით, ვერ შესძელით ძნელი გზის გავლაც კი. თქვენ მხოლოდ მოდიოდით, მოდიოდით თქვენთვის, როგორც ფარა!

მაგრამ ამ სიტყვებმა ხალხი უფრო გააბრაზა.

— შენ მოკვდები, მოკვდები! — ღრიალებდა ხალხი

დანკო უყურებდა მათ, ვის გულსათვისაც ასეთი მძიმე ტვირთი აიკიდა. ხედავდა, რომ ხალხი გამხეცებულიყო.

ბევრი იდგა მის გარშემო, მაგრამ არც ერთი არ იყო ისეთი, რომ მართალი ეთქვა.

მაშინ მისი გული აღუღდა უსამართლობისაგან, მაგრამ ხალხისადმი სიბრაღე იხვევდა ვაუნელა ბრაზი.

მას უყვარდა ეს ხალხი და ჰფიქრობდა, რომ შეელოდა მას, რომ უიმისოდ ისინი დაიღუპებოდნენ.

და, აი მის გულში ცეცხლად დაინთო სურვილი, სურვილი გზის გაუმჯობესებისა. მის თვალეში ნაპერწკლებმა იელვეს, დიადი, მძლავრი ცეცხლის ნაპერწკლებმა.

უცებ დანკომ გაიპო მკერდი, ამოიგლიჯა გული და მალლა თავს ზევით ასწია იგი.

გული აკაშკაშდა როგორც მზე, მზეზე უფრო, და მთელი ტყე მიყუჩდა. მერე განათდა დიადი სიყვარულის ჩირაღდანით. სიბნელე კი გაიფანტა.

განცვიფრებული ხალხი ქვასავით იდგა.

— წავიდეთ—შესძახა დანკომ და წინ გაექანა. მალლა ეჭირა შექმფინავი გული და ხალხს გზას უნათებდა.

ისინი როგორც სიზმარში გაჰყვენ მას.

მირბოდნენ გაბედულად, სასწაულით გატაცე-

ბულნი. იღუბებოდნენ ახლაც, მაგრამ უცრემლიდნენ. დანკო კი მიდიოდა წინ და მისი გული კაშკაშებდა, სულ კაშკაშებდა. უცებ ტყე გაიპო, გაიპო და დარჩა უკან—უღრანი, ყრუ. დანკო კი თავის ხალხით უცებ ამოყურყუმელავდა მზის შუქთა ზღვაში, სუფთა ჰაერში. ქვეა-ქუხილი დასტოვეს იქ, უკან, ტყეში, აქ კი მზე ანათებდა, ასუნთქებდა ველს, ელვარებდა ბალახის ცვარზე და ოქროსფრად ღებავდა მდინარეს.

სადამო იყო და ჩამავალი მზის სხივებისგან მდინარე სისხლისფრად შეიღება, იგი ჰგავდა დანკოს გაგლეჯილ მკერდიდან ამოხეთქილ სისხლს.

უკანასკნელად გაჰხედა თვალუწვდენელ სივრცეს ამაყმა, მომაკვდავმა, გულადმა დანკომ. მის წინ გატყორცნილი თავისუფალი მინდვრები გაშლილიყვნენ. ამაყად გაიცინა მან. მერე კი დაეცა და სული დალია.

ხალხი კი მზიარულობდა იმედით აღსავსე. მან ვერც კი შეამჩნია დანკოს სიკვდილი. ვერ შეამჩნია, რომ დანკოს გვერდით ჯერ კიდევ კაშკაშებდა თამამი გული...

ასე დასწვა დანკომ ხალხისათვის თავისი გული და მოკვდა ისე, რომ სამაგიეროდ არაფერი არ მოუთხოვნია.

დანი.



შ ა ვ ი მ გ ე ლ ი

მესამე მოქმედება



დიდებული და საოცნებო ციხე-დარბაზი. წინ შემკული ფართო ეზო. დარბაზს ეზოსკენ განიერი მოვარაყებული აივანი აქვს. ხალხი ირევა და უფრო კი ერთი მარისაკენ გაიყურება. ყრიაშულია და ძახილი: „მოჰყავთ, მოჰყავთ!.. აგერ გორას ვადმოვიდნენ!.. ძირს ჩამოვიდნენ!.. მოჰყავთ!.. მოჰყავთ!“.

ერთი (შესკრაყვით) აბა, დიდის დიდებით შეეხედეთ!.. დაუკარით საზეიმო ჰანგი!..

(შესკრაყვანი უკრაყენ მზიარულ ჰანგს. ხალხში აღტაცება.)

(მცირე ხანს შემდეგ შემოჭყავთ ფანჯა ისევე მზარზე შესმული და სტენის შუაგულს დასვამენ. შესკრაყვანი უკრაყენ, ხალხი აღტაცებით ეგებება და ევირის: ვაშა!

გაუმარჯოს! ფანჯას გვერდით უდგას პრცლა და თეთრა, თვითონ გამოურკვეველ მდგამარეობაშია, უკვარს ასეთი შესვედრა)

ხალხი. გაუმარჯოს ჩვენს მხსნელს, გაუმარჯოს ჩვენს კეთილის მყოფელს! ვაშა! ვაშა!

ერთი (წინ წამოდგება) დიდება შენს აქ მობრძანებას! მოუთმენლად გელოდით და ძლივს გვეღირსა შენი ხილვა, დიდებულო ვაჟკაცო!..

ფანჯა. მადლობელი ვარ, მეგობრებო. მაგრამ ამიხსენით, რით დავიმსახურე ამოდენა ხალხის პატივისცემა და ეს დიდება!..

ერთი. დავიმსახურე და ღირსიც ხარ თაყვანისცემისა! ჩვენ გადიდებთ შენ, ღირსეული!..



ხალხი. ვაშა! დიდება ღირსეულს, თავდადებულს, რჩეულს!..

ფარნა. მართალია, მე მოვკალი შავი მგელი, მაგრამ...

ხალხი (აწვევებინებს) გაუმარჯოს გმირს! შეუპოვარ მებრძოლს!.. ჩვენს მხსნელს!..

ერთი. ახლა გამობრძანდება ჩვენი შვენიერების დედოფალი მზექალა და ყველაფერს გვეტყვის...

მეორე. ავერ მობრძანდება ისიც... (ხაზს გაიყოფა ორ შიხად, დადგება აქეთ-იქით; შუაზე რჩება ფარნა, ბრძალა და თეთრა. აივანზე გამოდის მზექალა დიდებულად მფრთხლი; მოსდევს რამდენიმე ქალი.)

მზექალა (აივანიდანვე მიესალმება ფარნას) სალამი შენს მობრძანებას, გულ-მტკიცე და უშიშარო ქაბუკო რაინდო!

ფარნა სალამი შვენიერებას, დედოფალო! (თავს დაუკრავს)

მზექალა. შენა ხარ ის გმირი, რომელმაც გაუბედა ბრძალა შავ მგელს...

ფარნა. დიახ, მე მოვკალი იგი ამ ორის ქაბუკის დახმარებით. ჩვენ სამი ვიყავით...

მზექალა. ბრალა და თეთრა ჩვენი მეზობლები არიან, დამა, ჯადოქარისაგან ძალღად და თხად ქცეული...

ფარნა. ჰო, მეგობრებო?!.. კიდევაც იმიტომ იყავით ისეთი გონიერნი... (მზექალას) მაგრამ ვთხოვ გამაგებინო, სადა ვარ, ან ეს ყველაფერი რას ნიშნავს?! აქ არავინ იკისრა ამის თქმა; მითხრეს, რომ შენ მეტყვი ყველაფერს... ხომ მეტყვი?

მზექალა. (დიმიდით) გეტყვი ყველაფერს... მხოლოდ, გეტყობა, გულსწრაფიც ყოფილხარ, როგორც გულმტკიცე (ჩამოდის კაფში.)

ფარნა. დიახ, მსურს მალე გავჩგო, რა ამბავია ან თქვენს თავს ან ჩემს თავს...

მზექალა. შენი სამართლიანი სურვილი ავისრულდება... ძალიან მალე... (მიუახლოვდება) შავი მგლის საქმენლად რომ მიდიოდი, შენ გაიარე ამ ჩვენს ქალაქზე, რომელიც მაშინ მთლად გაქვავებული იყო... გახსოვს ის ადგილი?

ფარნა. მახსოვს, მახსოვს... მაგრამ თქვენ რა იცით, რომ აქ გავიარე?

მზექალა. ჩვენ ყველანი ამ ქალაქის მცხოვრებნი ჯადოქარისაგან ვიყავით ქცეული სხვადასხვა ცხოველებად, ფრინველებად, ქვემძრომებად...

ფარნა. ეგეც მახსოვს... ლოდებ შორის ვნახე იგინი... შევდექ და განცვიფრებული ვუყურებდი მათს უაზრო ფუსფუსს და ხოხვას; მათს უცნაურს ხტუნვას და მანქვას; მესმოდა მშრალ ლოდებზე ქვემძრომთა ქერქის უსიამოვნო ხრიალი, ენათა შეშარავი სისინი... ფრინველთა ხმა არ იყო ყურთა

დამატკობელი, არამედ ჰვავდა უფრო გულსაკლავ ჩხვილს, საცოდაობის გამოძახილს...

მზექალა. (მწუხარებით) სრული ქეშმარიტებაა. ჩვენი ყოფა იყო ტანჯვა, წამება, კვნესა და რულუნება, ამიტომ მოქმედებაც და ხმაც სამწუხარო და უსიამოვნო გვეკონდა... ვიტანჯებოდით, მაგრამ ჩვენს სამშობლო მხარეს არ ვანებებდით თავს, სულ აქვე ვტრიალებდით, სახლკარს არ ვშორდებოდით... ველოდით ჯადოსაგან განთავისუფლებას, დახსნას ტანჯვისაგან... და ჩვენს დახშულ, დაჩლუნგებულ გონებაში იმედის სხივი ბეჭუტავდა, ვით ბნელს ღამეში ციციანთელას მკრთალი შუქი... და, როცა დაგინახეთ შენ მიმავალი შავი მგლის საქმენლად, ჩვენ სიხარული მოგვემატა, იმედი მოგვეცა და არც მოვსტყუვდით!.. დიდება შენს ძლიერს მარჯვენას!..

ფარნა. ჯადოქარი ვერ მოვკალ, გამექცა; დამემალა... შავი მგელი კი მოვკალი! მაგრამ ეს ცვლილება მაინც როგორ მოხდა, შენ იქნება მითხრა..

მზექალა. ჯადოქარის ორეული იყო შავი მგელი... როცა საქმლის შოვნა მოუწოდებოდა, მგლად იქცეოდა, თუ არა იყო ჯადოქარი და უარესს ბოროტებას ახდენდა.

ფარნა. (გაკვირვებული) შავი მგელი და ჯადოქარი ერთი და იგივე იყო?! (სიხარულით) მაშ ჯადოქარიც მომიკლავს!

მზექალა. არა, შენ მოჰკალ მხოლოდ შავი მგელი, როგორც ბოროტების სათავე... იმის სიკვდილით ჩვენ ვავთავისუფლდით ჯადოსაგან, ხიბლისაგან... ჯადოქარი კი ცოცხალია...

ფარნა. (გაცტებით) როგორ? ის ცოცხალია? სად არის ის გველზედ უარესად საზიზღარი!

მზექალა. ახლა ის ჩვენი ტყვეა... ჯაჭვით გვყავს დაბმული... უნებელია, რადგან შავი მგელიც მკვდარია და თითებზე გრძელი გრძნეული ფრჩხილებიც დავაქვრით, მგელი და ის ფრჩხილები იყო მისი ძალა და გავლენა...


ფარნა. მე მინდა ვნახო ის ავი და მავნე არსება, დავსტკებ მისი უძლურებით და დამცირებით, ხომ შეიძლება?

მზექალა. სიამოვნებით... შენ გაქვს მავის უფლება, სხვას კი არავის! ასისთავო, აბა, მოიყვანეთ აქ ზახე ჯადოქარი... (ჩამდენიმე კაცი მიდის). მანამ იმას მოიყვანენ, მინდა კიდევ ერთი რამ გითხრა...

ფარნა. ბრძანე, შვენიერების დედოფალო!

მზექალა. დღეს შენ ჩვენი სტუმარი ხარ, ძალიან ძვირფასი და მეტად იშვიათი...

ფარნა. დიახ, სტუმარი ვარ და დასვენების შემდეგ მინდა შინ დავბრუნდე. მინდა ჩემს მეზობლებსაც მიუტანო ეს სასიხარულო ამბავი და მივეშველო ჩემს ცხვრის ფარას, რომელიც მათ ჩავაბარე დაბრუნებამდე.



მზექალა. არა, ველარ გაგიშვებთ, აქ უნდა დარჩე...

ხალხი. (ეგვირის) სულ აქ უნდა დარჩეს... სამულამოდ ჩვენი უნდა იყოს... არ გაფუშვებთ, ველარ წავა... ჩვენი მფარველი და წინამძღოლი ეგ უნდა იყოს, რადგან ეგ ძლიერი, უშიშარია!..

მზექალა. ხომ გესმის, რას ამბობს ხალხი!.. ხალხის ხმა — კანონია...

ფარნა. (შეფოქმანებუჯი) არა, ვერ დავრჩები...

ხალხი. შენი წასვლა არ შეიძლება, .. ახლა შენ ჩვენი ხარ, რადგან ასეთი დიდი ამაგი და ღვაწლი დაგვდე, ჩვენთანაც უნდა დარჩე...

ერთი. ქაბუკო, სახით შეგნიერო, სულით ულამაზესო! შენი ახოვანებით უნდა დააშვენო და დაავიგვინო ჩვენი ზეიმი და ბედნიერების დღე, რომელსაც ჩვენ მალე გადავიხდით... და რომ უფრო მტკიცე იყოს ჩვენი ერთობა და კავშირი ჩვენს მოამბავესთან, შეგნიერების დედოფალი მზექალა და რაინდი ქაბუკი ფარნა დავაქორწილოთ .. მაშინ ესეც დარჩება ჩვენთან და სიყვარული და მეგობრობაც გამტკიცება ჩვენ შორის...

ხალხი. ეგრე იყოს, ეგრე იყოს!..

ფარნა. (მორცხვად) მე ერთი მწყემსი კაცი ვარ...

მზექალა. (ნაზად) მწყემსი ხარ, მაგრამ რჩეული ხარ... და თუ შენ თანახმა ხარ... (აღარ ათავებს სიტყვას)

ფარნა. (გაუბედავად შეჭყურებს) თუ კი შენი ნებაც არის... (ერთმანეთს გრძნობიერად ხელებს დაუჭერენ და მტკიცე ხანს ერთმანეთს უყურებენ).

ხალხი. გაუმარჯოს მეფე — პატარა ძალს! ბედნიერი იყოს, ბედნიერი იყოს!.. (ამდრის მოჭყავთ ჯადოქარი ჯაჭვ შემზუდი და მოშორებით დააყენებენ.)

მზექალა. (მიუახლოვდება) ჯადოქარო ზახე! აბა, შეხედე ამ ქაბუკს, ხომ არ გეცნობა? (უჩვენებს ფარნას).

ჯადოქარი. (უყურებს) თითქოს მინახავს... (ოგანებს)

ფარნა. მას შემდეგ არ გასულა დიდი ხანი, რაც შენ მე მნახე... მთებში...

მზექალა. (ფარნას) დაუძლორებისგან მესხიერებაც შესუსტებული აქვს, ეტყობა...

ჯადოქარი. ჰო, ვიცან, ვიცან!..

მზექალა. ეს ფარნაა!

ჯადოქარი. (გბილებს კრატუნით და მუშტების მოფერებით) ჩემი დამლუპველი, ჩემი გამათავებელი...

მზექალა. ჩვენი დამსხნელი, ჩვენი განმათავისუფლებელი!..

ჯადოქარი. ჩემი მკვლელი, ჩემი მოსისხლე მტერი...

ფარნა. მე ბოროტების მტერი ვარ, მართა-

ლია! თუ შენ მოიშლი ავკაცობას, ხალხის მტრობას და ზიანს აღარავის მოუტან, განათავისუფლებენ და იცხოვრე შენთვის წყნარად, მშვიდად... გინდა?

ჯადოქარი. მე უსაქმოდ ყოფნა არ შემიძლია. ჩემი საქმე კი თქვენც იცით, რაც არის... თქვენებურს მშვიდს და მდორე ცხოვრებას მე ვერ ავიტან... მე მიჩვევია ისევე ბოროტების სასტიკი ქარიშხალი, ვაქროლო ქვეყანაზე და შიშის ზარი დავცე დედამიწას ქვეა-ქუხილით, რომ ხმელეთი ირყეოდეს და ზღვანი ნაპირზე იღვრებოდენ...

ფარნა. მაშ კვლავ აქცევდი ბროლას ძაღლად და თეთრასთხად?..

ჯადოქ. (გორგზად) უარეს დავმართებდი!

მზექალა. მაშ ამ ბიჭუნებსაც ისევე ქონდრის კაცუნებად აქცევდი?

ჯადოქარი. (დამიჯიით) ეგენი ჩემი თანაშემწენი იქმნებან, მაგათ უკვე იციან ნაწილი ჩემი ხელობისა... (ხაზში დრტვიანვას, ისმის აქეთ-იქიდან)

ხმები: — მე ვიქცეოდი ისევე მცივანა ხელიკად.

— მე ღამის ქოტად გულშემზარავის ხმით!

— მე ვირთხად — მიწისმთხრელიდ...

— მე გამურულ ყორნად, ყველა რომ სწყეცლის...

— მე ღამურად თქალში სინათლე გამოცლილად...

— მე სასიზღარ, უხიაკ ჯოჯოდ...

ვაი ჩვენ! ვაი ჩვენ... თუ განთავისუფლდა ეგ უქმური!..

მზექალა. მაგას ამ ჟამად მავნებლობის უნარი წართმეული აქვს... ნუ შესწუხდებით მაგისთვის!... (ფარნას) ზახეს ხალხმა შენს მოსვლამდე გადაუწყვიტა კოცონზე ცეცხლში დაწვა...

ფარნა. (შემკრთადა) ოჰო!..

ხალხი. ჩვენი მტანჯველი ცეცხლმა შექამოს... ჩვენი მტარვალი წამების შამფურზე!

მზექალა. ხალხი მართალია...

ფარნა. (ამოხვნრით) დიად, ხალხი მართალია... ბოროტს ბოროტების საწყაულით უნდა მიეწყოს!

ხალხი. ეგრეა, სწორეა!

ფარნა. მაშ აღსრულდეს თქვენი განაჩენი!.. ბოროტების გასაწმენდად ცეცხლი უკეთესი წამალია... (ჯადოქარს) გახსოვს, ჯადოქარო, რომ შენ ცეცხლში უნდა დაიწვა, როგორც მყრალი... დამეგობრება შემომთავაზე და მე რომ გიპასუხებ: ნავავი ხარ მეთქი! ეს სიტყვა გისრულდება ჩემდა უნებურად... და სამართლიანადაც, შე უბადრუკო!.. (ხაზს) წაიყვანეთ და შეასრულეთ თქვენი განზრახული!



ჯადოქ. (გორბზად გადაუტრიალებს თვალებს და უძღური სასწარკვეთილებით) მაშ გათავდა ჯოველვე?!.. ოპ, იყავით წყეულნი და შეჩვენებულნი...

ფარნა. უშენოდ უკეთ იცხოვრებს ქვეყანა!.. შენ დროება მოსჭამე, დრომ ახლა შენ შეგჭამა... ცხოვრების წესი ასეთია... (ვინც მიყვანეს, ისინივე წაიყვანენ ჯადქასს).

ხალხი. (მხიარულად) ახლა კი გადავრჩით სამუდამოდ ქირსა და განსაცდელს.

ფარნა. დღეის შემდეგ დამყარდეს ჩვენს შორის მშვიდობა, სიყვარული და ძმობა...

ერთი. მაშ გაუმარჯოს, ხალხო, ჩვენს მეფე პატარძალს! ჩვენს გამარჯვებას მტერზე! მისი დამარცხება საუკუნოდ! (მესაკრავენი უკრავენ ისევ სამ

ხიარულს. მტერე ხანს შემდეგ ცალი მხრიდან ტეტხლის შუქი მოეფინება იქაურობას და თანდათან ძლიერდება.)

ფარნა. ბოროტება, მტრობა-შური იწვის, ჰქრება სამუდამოდ!

(მთქმელებს ხელს მზეკადას და აივნისკენ გაემართებიან.)

ერთი. იწყება გაზაფხულივით ლამაზი ახალგაზრდა ცხოვრება... მაშ გაუმარჯოს მას!..

ხალხი. გაუმარჯოს... ქორწილი, ქორწილი დიდებული და მხიარული ქერამდე!...


(მესაკრავენი უკრავენ მარშს. ფარნა და მზეკადა აივანზე გადმოდგებიან, ხალხი უვირის)

ქორწილი, ქორწილი!..

დ. ნახუცრიშვილი.

(ფარდა).

დასასრული



დასვენების შემდეგ ყველა ისევ მუშაობას შეუდგა. მეკარვეებმა დაიწყეს კარვის მართვა. კარავი მოათავსეს ქოხის ცოტა მოშორებით, რადგან მის ახლო არ იყო კარვის საკმარი მოედანი. კარავის მარცხნივ და წინაც დიდი ხრამი იყო, ხოლო უკან კლდოვანი გზა მყინვარისაკენ. წყალი იქ არსად იშოვებოდა, მხოლოდ დაბლა ხევში იყო, მაგრამ, რამდენიც არ ეცადენ, მისი ამოტანა ვერ მოახერხეს. ზოგს შუა გზაზე დაექცა, რადგან გზა გამაგრებული თოვლისაგან შესდგებოდა და თოვლზე ფეხი უსხლტებოდათ. კურტს, როგორც კი სამშვიდობოს მოუახლოვდა, სწორედ მაშინ დაუსხლტა ფეხი და ჩაიღინიანად ქვევით ჩაცურდა, ამიტომ


იძულებული ვიყავით წყლის მაგივრად თოვლი გვეხმარა. საღამოს ქოხის გვერდზე დიდი ცეცხლი დავანთეთ. სუსხიანი საღამო იყო, ცა ჩვენდა სასიხარულოდ მოკრიალებული იყო და ღრუბერი არსად ჩანდა, შემდეგ კი თან და თან ყველაფერი ბურუსში გაეხვია და თვით მყინვარი, რომელიც მთელი დღე მშვენივრად მოჩანდა, ჯერ თითქოს თხელ ქსოვილში გაეხვია, შემდეგ ეს ქსოვილი თან-და-თან გასქელდა და ბოლოს წყვდიადმა მოიცვა სრულიად. მაღლიმალ გვესმოდა ზევის საშინელი გრილი, რასაც მთები და ხეები ბანს ეუბნებოდნენ.
მთელი დღე ყველა გაცხარებული მუშაობდა და მყინვარისაკენ გასამგზავრებლად ემზადებოდა. ჩემი ბანდულები ისე გაშვებულნი იყვნენ, რომ სრუ-



ლიად დამეკარგა მყინვარზე ასვლის იმედი, არ ვიცოდი რით დამეღობო. არც სხვების ბანდულებს დასდგომოდათ კარგი დღე. მეც მათ მივბაძე: წავიღე და თოვლში ჩავფალი. ნახევარი საათის შემდეგ ისინი ისევ იმ დღეში დამხვდა, როგორც დავტოვე. შემდეგ ავიღე დიდი ქვა და თითქმის ერთი საათი ენერჯიულად ვზილე, ამანაც არაფერი უშველა. მაშინ ავიღე ასმათის დიდი ფინჯანი, ჩავყარე თოვლი, ჩავაწყე შიგ ბანდულები და ცეცხლზე შევდგი, ცეცხლმა კარგად იმოქმედა და რკინასავით გამხმარი ბანდულები დააღობო. შემდეგ მე და ასმათმა დავარიგეთ სამყინვარე სურსათი, რასაც შეადგენდა 1 გ. ნახში, 25 ნაჭ. შაქარი, 1/8 გ. შოკოლადი და ქონი 1/8 გ. ამას გარდა, უნდა წაგვედო კონიაკი და ზოგიერთი აუცილებელი წამალი, როგორც მაგ. ვალერიანის წვეთები და სისხლის შესაჩერებელი ბამბა. დალისთვის ყველაფერი მზად უნდა გვქონდა. დაძინების დროს სამყინვარე ტანისამოსი და ბანდულებიც ზედ უნდა ჩავვეცვა და ისე უნდა დაგვეძინა.

მთელი ჩვენი ყურადღება მყინვარზე იყო-მიქცეული. ხშირად მივმართავდით იავორას ამინდის შესახებ, მაგრამ იგი მუდამ გვიპასუხებდა, რომ მყინვარი სანდობი არ არის, ამ წუთს რომ კარგი დარია, მეორე წუთს შეიძლება მდგომარეობა შენლად გამოიცვალოს და გაავდარდეს, — ქონში სამი ცირა: ვერა, სალომე, თამრო და მათთან ბება საგზაო ყავას გვიმზადებდნენ. წინდა-წინვე იყო პირობა დადებული, რომ ამ ღამეს იმათ უნდა ემუშავათ, ვინც ყინვარ-წვერზე არ მოდიოდა. არც ასე ადვილია 18 მათრა ყავის მომზადება, როცა წყალის უქონლობის გამო თოვლს ადნობ. თურმე შუა ღამემდე იმუშავეს.

შევარდენის ბუდე იყოფება 3620 მეტრის სიმაღლეზე, ამიტომ ჰაერი იქაც საკმაოდ არის გათხელებული და ადამიანს სუნთქვა უჭირს, თითქმის მთელი ღამე არ გვიძინებია, ღრმად ვსუნთქავდით და ისე გვეჩვენებოდა, თიოქოს უჰაერო ადგილას ვიმყოფებოდით. ღამე საშინლად აცივდა. ქარიც ამოვარდა და ჩვენს კარავში თავისუფლად დაქროდა.



ნაპრალი დევდარაკის მყინვარზე.

თუმცა კარავი მაგრა იყო დაღმეული, მაგრამ მაინც გვეშინოდა, რომ ძლიერ ქარს არ მოველიჯა. თითქმის ერთი საათი მოუწიდა ყველა სამყინვარე ტანსაცმელის ჩაცმას. ჩავიცვი თბილი საცვლები: შალის თბილი ბლუზა, მუხლამდე შარვალი ხავერდისა, გრთი წყვილი წინდა და ორი წყვილი გრძელყელიანი შალის ჩულქები. შემდეგ ბანდულებში ჩავაგე ბალახი, რომ ფეხი

კარგა გაჩერებულიყო; ამის გარდა ჩემ მორთულობას შეადგენდა: ზევიდან ტყავის კურტკა, თავზე ფაფახი, შავი სათვალეები, ყელზე აბრეშუმის თავშალი, ხელში წერაყინი და ზურგზე პატარა ჩანთით საუზმე. აი ასე გამოწყობილი უნდა გავდგომოდით მეორე დღით მყინვარის გზას. ყველა ისეთი ვეებერთელა და უშნო შეხედულობისა ვიყავით, რომ მოგაგონებდით ჩრდილო პოლიუსის მცხოვრებთ — ესკიმოსებს.

შევარდნის გუბიდან მყინვარ-წვერაგლე.

28 მარიამობისთვის

დილით ოთხის ნახევარზე უკვე ყველა ზეზე ვიყავით. ჯერ ისევ ბინდბუნდი იყო; ჩვენს გარშემო ისეთი ბურუსი იყო, რომ ქოხიდან კარავი არ ჩანდა.

თანდათან ბურუსი გაიფანტა, ხოლო ალაგ-

ალაგ კლდეებზე თეთრად მიკრული დარჩა. ქვევით ხევებში ჩაწოლილმა ბურუსმაც, თანდათან მალა ამოიწია და რამდენიმე ხნით ისევ ბურუსში გავეხვეით, მაგრამ ამანაც ჩქარა გადაგვიარა თავზე. ერთად ერთი გზა მყინვარისაკენ შევარდნის ბუდიდან არის მისივე დასავლეთის მხრით აღმართული კლდოვანი ბილიკი, რომელიც სულ მალა მიიმართება. ჩვენც ერთნაირად მოწყობილნი 23 კაცი



გახა წიკლაურის კლდოვანი ბილიკი.
ზედ გახა წიკლაური და მარიამ პრეობრაჟენსკი.


ამ გზას დავადექით. თენდებოდა. თუმცა შევარდნის ბუდეში ბურუსი აღარ იყო, მაგრამ აქ ისევ ბურუსში გავეხვეით. ეს ბილიკი, რომელსაც მოხვევები „გახა წიკლაურის კლდოვანი ბილიკს“ უწოდებენ,¹⁾ წარმოადგენს ქედს, რომელიც წაწვეტილი მაღალი კლდეებით თავდება.

მიუუახლოვდით „პირველ ოლგიშკას“²⁾. იგი წარმოადგენს ციხის კედელივით ამართულ პიტალო კლდეს, რომელსაც ახლა „კლდე-ქოხი“ ჰქვია. მეორე ოლგიშკასთან („მყინვართ გუშავანი“) შევჩერდით და, რადგანაც მზეც იყო ამოსული, სურათი გადავიღეთ. აქედან ბუმბერაზად ამართული მყინვარი სულ ახლო მოჩანდა და უფრო იზიდავდა თავისკენ მთელ ჩვენს არსებას.

¹⁾ გახა წიკლაური არის ცნობილი მოხვევე, გამყოლი, რომელიც მყინვარზე 16 ჯერ ასულა.

²⁾ „ოლგიშკა“—ქისტურია და ქართულად ნიშნავს კლდეს.

აი თოვლ-ყინულა ველსაც მიუუახლოვდით; გვერდში გავუარეთ „მესამე“ „ოლგიშკას“ („პრისხანეს“), საიდანაც ხშირად ინგრეოდა კლდეები და ქვევით ველისკენ მოგორავდა. აქ ერთ ღრმა ნაპრალს ავუარეთ გვერდზე. იგი ოდნავ იყო ჩატეხილი და ღრმა ყინულის ოთახს წარმოადგენდა. თოვლ-ყინულა ველი წარმოადგენს ვებერთელა დაცემულ ველს, რომელიც დევდარაკის მდინარე ყინულისკენ არის დაქანებული. იგი დაფარულია მუდმივ თოვლ-ყინულით. ამ ველს თითქმის ყოველ მხრივ—გარდა დევდარაკისა—მუდმივი თოვლით დაფარული მთები არტყია. მრავალგან არის ეს ველი დახეთქილ—დასერილი და დახეთქილია მთელი ველის სიგრძეზე სწორ ხაზოვნად. როგორც იაგორამ გვითხრა ეს ველი ძალიან სახიფათო ყოფილა, რადგან იგი, მრავალ ას წლოვან თოვლით დაფარული, სავსეა ნაპრალებით, ხოლო ნაპრალები დაფარულია ახალი თოვლით. თუ დიდი სიფრთხი-



ლით არ იარე, ადვილად შეიძლება ამისთანა ნაპრაალში ჩავარდნა. ახლა უკვე ერთ რიგად მოვეწყეთ, აქამდი კი ერთმანეთში არეული მივდიოდით წინ იაგორა გაგვიძღვა, რომელსაც წელზე თოკი ება. ამ

თოკის ბოლო მეორე გამყოლს ლევან ქუშაშვილს ექირა. იაგორა რომ ნაპრაალში ჩავარდნილიყო, ამ თოკით ამოვწვედით და გადავარჩენდით. ჩვენმა გამყოლმა აბზი ბუზურტანოვმა, გვიამბო, რომ უწინ



დასვენება მყინვართ გუშაგთან.

გამყოლი (იანი ბუზურტანოვი) 17 საე. ნაპრაალში ჩავარდა და იმ თოკით, რომელიც მას წელზე ება,

ხშირად რომელიმე ადგილს მარჯვნივ ან მარცხნივ უვლიდა. ამიტომ ჩვენც ძიხვეულ-მოხვეულად მივ-



თოვლყინულა ველის გადახვლა „მრისხანე კლდესთან“.

სრულიად უვნებლად ამოიყვანეს. საშინელი სიფრთხილით მიდიოდა წინ იაგორა, ის თითქოს ფეხის ხმით სცნობდა, სად იყო ნაპრაალი და სად არა.

დევდით. ყველა ჩვენგანს ერთი მეორეს ნაფეხურზე უნდა გაევილო. ღარი მშვენიერი იყო, მხოლოდ ქარი ქროდა.

ცხადლ ჩანდა მყინვარის ფერღობზე ქარისაგან მოწყვეტილი ზევაი, რომელიც დევდარაკისკენ მიეჭა-

ნებოდა. აგრეთვე ცხადლ ჩანდა მისგანვე დამღარი კორიანტელი. ყრუ გრილიც აღწევდა ჩვენამდე



დასვენება თოვლ-ყინულა ველზე

დაახლოვებით შუა ველზე შევისვენეთ და სურათიც გადავიღეთ. ცოტა ხნით სათვალეები მოვიხსენი. ესეთი თვალის მომჭრელი ბრწყინვალეობა იყო, რომ თვალმა დიდხანს ვერ გაუძლო და სათვალეები ხელახლა გავიკეთე. ისევ გზას გავუდექით მალე წოწის (კონუსის) ძირს მივუახლოვდით, საიდანაც ციცაბო აღმართი იწყება. აქ საბოლოოდ უნდა შეგვესვენა. ცოტა ვისაუზმეთ. ერთი ნაჭერი შოკოლადი შევჭამე, ყავაც დავაყოლე, მაგრამ ყავა ძალიან ტკბილი იყო და რალაც უსიამოვნო გრძობას იწვევდა. მაშინ რომ უშაქრო ყავა მქონოდა, უფრო სიამოვნებით დავლევდი. ზედმეტი ბარგი მოვიხსენით, მაგ ჩანთები საუზმით თოვლში ჩავფალით; დავიტოვეთ მარტო მათარები ყავით, თუშკაც ესეც ტყუილად წავიდეთ, რადგან ყავა მათარაში გაიყინა და ზედმეტ ბარგად გავვიხსნა. აქ თავს, ცოტა არ იყოს, ცუდად ვგრძობდი. ცოტა თავი მტკიოდა და გულიც მერგოდა, რაც ტკბილ ყავას დავაბრალე (კარგა მახსოვდა გიორგის სიტყვები: ვინც თავს ცუდად იგრძობს, მაშინვე უნდა დაბრუნდეს, თორემ ზევით უარესი დაემართებაო. ეს ძალიან მაშინებდა) აბა, რას ვიტყვოდი, ან რა დამაბრუნებდა? უკვე ყველანი ერთ რიგად იყვნენ მოწყობილი და წასვლას აპირებდნენ. მე კი აბზი (ჩვენი მეგზური) წრიაპს¹⁾ მიკრავდა ფეხზე, არ ვიცი, ნებისით თუ უნებლიედ ის არ

ჩქარობდა, ჩვენები კი ნელი ნაბიჯით უკვე წინ მიწევდნენ. ამან ჩემზე ცუდად იმოქმედა. ხოლო აბზი, რომელმაც, როგორც იყო, გაათავა წრიაპის შეკმერა, მითხრა „ქალო, სად მიდიხარ, სულ ერთია შენ ვერ ახვალ და სჯობია ახლავე დაბრუნდეთ.“ ვერ წარმოიდგენთ, ამისთანა ადგილას რა დიდი მნიშვნელობა აქვს გახალისებას, ამან კი იმისთანა სიტყვებით მომმართა, რომ ყოველგვარი ხალისი დამიკარგა. საშინლად მეწყინა, რადგანაც აქამდის არც ერთ გამყოლისაგან არ გამეგო ასეთი გადაჭრილი შეუძლებლობა მყინვარზე ასვლისა. ეს უკანასკნელი კი როცა მიხანთან ასე ახლო ვიყავი, მიცხადებდა: „სულ ერთია, ვერ ახვალ და სჯობია ახლავე დაბრუნდეთ“ — ამას მიუმატეთ ისიც, რომ ჩვენები უკვე წასული იყვნენ. მაგრამ ბევრა არ მიფიქრია და ჩქარი ნაბიჯით გამოვეყიდე მათ, რამაც ძალიან მომქანცა. აბზი კი რომელიც ძალიან დინჯად მოდიოდა, ნელ-ნელა ჩამოგვრჩა და ბოლოს უკან დაბრუნებულიყო. მხოლოდ შემდეგ მივხვდი ამ ქისტის აზრს. დაბრუნება უნდოდა, რადგანაც ქარისა ეშინოდა და მიზეზად მე-ვეუნდოდი გავებადე.

წინ ძალიან ნელი ნაბიჯით მივიწვევოდით. დაახლოვებით ერთი მესამედი არ გვექნებოდა გველილი, რომ ამინდი საშინლად გამოიცივალა. ბრწყინვალე მზე ნაცრისფერმა ბურუსმა დაჰფარა და ქარმა მოუმატა. ქვევით თოვლყინულა ველი და მის გარშემო მდებარე მთებიც ნელ ნელა ბურუსში გაეხვია. ახლა სიარული უფრო გაჭირდა, რადგანაც

¹⁾ წრიაპი არის ყინულზე სასიარულო ოთხ კაპიანი რკინა.



გაყინულ თოვლში. საფეხურების ქრა მოგვიხდა, აქამდე კი რბილ თოვლში მივდიოდით. უკვე საგრძობლად აცივდა. ახლა ძალიან მჭიდროდ მივდიოდით, არც ერთი არ უნდა ყოფილიყო თვალიდან მიფარებული; წინ იაგორა მიდიოდა და საფეხურებს სჭრიდა. დანარჩენი ყველა აღრმავებდა ამ საფეხურებს. ახლა უფრო დინჯად მივიწვოდით წინ. საფეხურების გაქრა კარგა დროს მოითხოვდა. არც ერთ მხარეს აღარაფერი ჩანდა, ყოველმხრივ მხოლოდ ბურუსია, ჩვენ კი დინჯად უხმოდ, მუშაობით წინ მივიწვით.

უცბად ეს მღუშარეობა ყვირილმა დაარღვია. ყველა შეჩერდა. ეს ფოია მაჭავარიანი იყო, რომელსაც ფეხები გაეყინდა და ძირს დაეცა, დროზე მიეხმარენ, — ფეხები ყინულით დაუზილეს, მოძრაობის უნარი მისცეს, მერე ისევ ჩააცვეს და ვანიჩკა კუკავაძის და ლევან ქუბაშვილის დახმარებით უკან დააბრუნეს. მათვე გაჰყვა გოგი ტოროშელიძე, რომელსაც ცალი წრიანი დაჰკარგოდა. ფოიას მარცხი კი მისივე მოუფიქრებლობის ბრალია. მას საბანდულე ბალახი დაჰკარგოდა და ბანდულები უბალახოდ წულებზე ჩაეცვა. წულა მალე დასველდა, შემდეგ გაიყინა, ფეხებზე მოუჭირა და ფეხებიც მოაყინა რადგანაც დადხანს გაჩერება შეუძლებელი იყო, ჩვენ ისევ განვაგრძეთ გზა. ახლა მხოლოდ ერთი გამყოლი დაგვრჩა. გიორგიმ მოგემართა:

ვისაც თავის იმედი არა აქვს, ან ცუდად გრძნობს თავს, სჯობია ახლავე დაბრუნდესო.

საფრთხე დიდი იყო. ეს გაფრთხილება უნაყოფო გამოდგა: არავინ მოინდომა დაბრუნება. განვაგრძეთ გზა. სულ ხუთ წუთსარ გაუვლია ფოიას დაბრუნების შემდეგ, — რომ ქვევიდან რაღაც ყვირილი მოგვესმა. ამ დროს იაგორასაც დაენახა რომ დაბრუნებულიებიდან ვიღაც მოსწყდა და ქვევით დაექანა, გიორგიმ მაშინვე შეგვაჩერა და უნდა დაბრუნებულიყავით, მაგრამ იაგორამ დაბრუნება არ მოინდომა და სთქვა: დალუბულისთვის დაბრუნება არ შეიძლება, ვინც მოუშაადებელი მოდის, დეე დაილუბოსო.“ ჩვენც მას დავემორჩილეთ და გზა განვაგრძეთ. როგორც მერე გავიგეთ, თურმე ვანიჩკა დაგორებულიყო, კარგა ხანს ევორავა და ბოლოს შეჩერებულა, თუმცა შეჩერების შემდეგ ბევრი ეყვირა: გადავრჩი, განავრძეთ გზაო, მაგრამ ამ ხმას ჩვენამდე არ მოუღწევია და საშინლად გვაფიქრებდა დაგორებულის ბედი. მუფუახლოვდით შავ კლდეებს, რომელზედაც პირდაპირ ასვლა შეუძლებელია. აი ახლა დაგვადგება გაჭირება, გავიფიქრე რადგან დარწმუნებული ვიყავი, რომ მაზე პირდაპირ, თოკების დახმარებით ავცოცდებოდით. მაგრამ მოგტყუვდით.

იაგორამ მარცხნივ გადუხვია. საფეხურების ქრა აქ უკვე პირდაპირ ყინულში მოგვიხდა. გზა ახლა გაცილებით უფრო საფრთხილო და ძნელი გახდა. ქარმა და ყინვამაც უმატა. თხელი აბრეშუმის თავშალი, რომლითაც მობურთული მჭიონდა მთელი სახე, გაიყინა და ხესავით გამაგრდა. ხელთათმანები ჯერ დასველდა შემდეგ გაიყინა და იძულებული ვიყავი, გამეხადა. სწორედ ახლა შევამჩნიე მაჯებზე ყინულის სამაჯურები.

დაქანება—დაახლოებით 70⁰-მდე, — რომელიც შავ კლდეებამდე თოვლყინულა ველისაკენ იყო მიმართული, ახლა პირდაპირ დევდარაკის უფსკულისაკენ მიემართებოდა. ამიტომ ახლა უფრო ფრთხილად და დინჯად მივიწვოდით წინ. რაც მალა-მალა მივდიოდით, სიარული უფრო ძნელი ხდებოდა, ჰაერი საგრძობლად გათხელდა და სუთქვაც გაძნელდა. მთელი სიღრმით ვსუნთქავ. თითქოს ჰაერი აღარ მყოფნის. საშინელი ბურუსია, ქვევით დაქანება ბურუსს უერთდება, ჩვენ კი მალა, მალა, თითქოს ჰაერში შევსცურავთ. ისეთი გრძობა მაქვს, თითქოს მეც ამ ჰაერში გავიფანტები და მასთან ერთად ცას შევუერთდები. მაგრამ ქარი მაფხიზლებს. ვასწორებ საფეხურებს. ისე მალა მივდივართ, ძილი იპყრობს მთელ ჩემს არსებას, მაგრამ ის აზრი, რომ ჩემი შეჩერება მთელ ექსპედიციას შეაფერხებს, მაფხიზლებს. ამას გარდა გიორგი რომელიც ჩემს უკან მოდიოდა, არ მალევდა გაჩერების საშუალებას. გამოფხიზლებული ვასწორებ საფეხურებს, ქვევით ვიყურები. თეთრი თოვლით დაფარული უსახდვრო დაქანება ნაცრისფერ ბურუსს უერთდება. ქარის ხმაურობა, დროდა და დრო რაღაც გრიალი—სულ ერთი და იგივე. აქ წელზე თოკი მომაბეს, რადგან ეშინოდა, რომ არ დამძინებოდა და არ დავგორებულიყავი. ძალიან ვბრაზობდი, რადგან თოკის თრევა მევე მომიხდა. მყინვარზე ჩვეულებრივ ორ საათზე აღიან-

ახლა კი უკვე სამი საათია.

ხელახლა აღიძრა საკითხი დაბრუნების შესახებ. (როგორც მითხრეს, ახლა კი იაგორასაც მოინდომა დაბრუნება.) ისევ გაისმა გიორგის ბრძანება დაბრუნების შესახებ, მაგრამ მას ყურს არვინ უგდებს, და თითქოს ინსტიქტიურად ყველა წინ მიდის. იაგორა საფეხურების ქრამ მოქანცა. ახლა ძმები სცვლიან მას. დაგვიანდა. ამ თოვლყინულოვან მთაში დაღამება ჩვენთვის აცილებელი დალუპვაა, მაგრამ სურვილი სჭარბობს გონიერებას. ზევით ვიყურებით. თუმცა მწვერვალთან სულ ახლო ვართ, მაგრამ ის მაინც არა ჩანს, ბურუსშია გახ-



ვეული. ისევ საფეხურებს სკრიან, ოთხის ნახევარს ალაფერი აკლია.

—დავბრუნდეთ! დავბრუნდეთ! დავვიანდა, სუყველა დავიღუპებით, თუ დავგიღამდა! ვაისმა გიორგის ბრძანება, რის პასუხადაც წინიდან მოისმა: „ავედით! ავედითო!“ უცბად ჩემ წინ მყოფნი გაქრენ; ზევეთაც ვერაფერი დავინახე, მიკვირს სად ავიდენ? სწორეთ ამ დროს საშინლად მომინდა ძილი. ჩავჯექი საფეხურში, თავი თოვლზე დავდე; მაგრამ მალე გამოვფხიზლდი და მეც მწვერვალზე გაჩნდი.

მწვერვალზე სრულიად გამოვფხიზლდი და სიხარულისგან პაწია ბავშვივით დავიწყე ხტუნვა, თან გაყინულ ხელებს ვიქნევდი, მაგრამ ამ დროს ქარმა დაუბერა და საჩქაროთ იმავე ადგილას ჩავჯექი და ხელი წერაქვს დავაბჯინე. აუწერელია ის აღფრთოვანება, რასაც ყოველი ჩვენგანი განიცდიდა. ავტეხეთ ვაშა, ვაშას, ძახილი. საიდანღაც გაჩნდა ორი ვაშლი, რომელიც ატოს მყინვარზე შესაქმელოდ წამოვიღო, ეს ორი ვაშლი თვრამეტმა კაცმა შევქამეთ— ყველა ის სანახაობა, რის დანახვასაც მოველოდით ჩვენ მყინვარიდან, ჩვენთვის ბურუ-

სით იყო დაფარული. (მყინვარიდან ხომ თითქმის მთელი კავკასია მოჩანს შავიდან კასპიის ზღვამდე) ერთად ერთი ეს გვწყვეტდა გულს. მაგრამ გადავწყვიტეთ, რომ კვლავ, როცა კარგ დარში ავალთ მყინვარზე, მაშინ დავინახავთ ყველაფერს. რამდენიმემ დაიძახა: სურათი გადავიღოთო (არ ვიცი ამ ბურუსში გამოვიდოდა რამე თუ არა) და მიმართეს ბაუმ-ჭაუერს, რომელსაც პატარა აპარატი ჰქონდა თან. პასუხის მაგიერ ისე შემოგვხედა, თითქოს ჩვენი მოსპობა უნდოდა ამით. მწვერვალზე სულ ცოტა ხანს დავრჩით, რადგან გვიგვიანდებოდა, და ჩამოსვლა დავიწყეთ.

ჩამოსვლა სრულებით არ გამძნელებია, აღარც მეძინებოდა და სრულიად გამოვფხიზლებული მივიდიოდი. სიძნელის მხრივ კი ჩამოსვლა უფრო ძნელია, რადგან საფეხურები სულ დანგრეული იყო და ხელ ახლა მიხდებოდა მისი გაკეთება. ყველაზე უკან ვიყავით მე, გიორგი, ატო უკან აღარავინ გვეგულებოდა, წინ წასულებიც ზოგი სულ არ ჩანდა, ზოგნი კი ბურუსში ლანდებივით მოჩანდნენ. რამდენჯერმე შევისვენეთ. შავ კლდეებს მიეუახლოვდით. თითქმის დაოთხებული



მთამსვლელი მთიდან ჩამოსვლის დროს საფეხურებს სკრის.



მყინვარის წოწიდან ჩამოცურება.

მოვცოცავდი, რადგან საფეხურები დანგრეული იყო. მარცხენა ხელს ზევით ასვლის დროს წერაყინისგან დატოვებულ კვალში ვარჯობ, ამავე დროს მარცხენა ქუსლს მაგრა ვარჯობ ყინულში, მარჯვენა ხელით წერაყინი ვადამაქვს წინ და მარჯვენა ფეხიც წინ ვადამაქვს და ასე დინჯად მივ-

დივარ. სხვებიც ჩემსავით მოცოცავდნენ, რადგან სხვანაირად შეუძლებელი იყო. გავიარეთ შავი კლდეები. ახლა, თითქოს აღლოთ, ვიგრძენ, რომ ასე სიარული აღარ გამომადგებოდა. დავჯექი ფეხებ გაშლილი და ასე დავიწყე ქვევით ჩაუტრება ძალიან ფრთხილად, რადგან დაქანება ძალიან დი-



დია და ადვილად შეიძლებოდა დაგორება, როგორც კი სისწრაფე ნამეტანი მომემატებოდა წერაყინს ვარჯობდო და ვჩერდებოდი. ჩვენ წინ სწორედ ჩემსავით მარო ტყავაძე მიცოცავდა. ცოტა ხნით შევჩერდით, ქვევით ვაყურებოდით, ამ დროს მარო ტყავაძე მოწყდა და ქვევით კოტრილით წავიდა. მე და გიორგი შეშინებული ხან ერთმანეთს ვუყურებდით, ხან მაროს, მარო კი პირდაპირ კურტისკენ მიგორავდა, რომელიც დაგორებულ მაროს ვერა ხედავდა და არხენად მიდიოდა ქვევით. აი მარო მიუახლოვდა კურტს, დაეტაკა (თუმცა ჩვენ ზევიდგან განწირულის ხმით ვუყვიროდით კურტს) მას და ორივემ კოტრილით განაგრძეს გზა, ბოლოს ორივე ბურუსში დაიშალა. საფრთხე დიდია. თუ ისინი თოვლყინულა ველისკენ წავიდნენ, არაფერი დაუშავდებათ, ხოლო თუ თევდარაკის ხევისკენ — უაუოდ დაიღუპებიან. გიორგი, რომელიც აქამდის გაშტერებული იჯდა, უცბად წამოხტა და სირბილით გაიქცა ქვევით, რომ გავგო, თუ რა დაემართა დაგორებულებს. ცოტა ხნის სირბილის შემდეგ ისიც ყირამალა გადავარდა და გორაობით განაგრძო გზა. ამ დროს ქარმა ააფრიალა რაღაც ქალაღები და წერაყინიც გზაზე დარჩა. მე სრულიად მარტო ვიჯექი და გულის კანკალით ვუყურებდი ამ სურათს. მალე გიორგიც ბურუსმა დაჰფარა. არ ვიცოდი, თუ რა დაემართა მას, ან კურტს და მაროს. მე უფრო მეტი სისწრაფით დავიწყე დაბლა ჩაცურება. მალე შორს ბურუსში გავარჩიე გიორგი, რომელიც უკან ამოდიოდა გზაში დარჩენილ წერაყინისთვის. აქვე მეორე წერაყინი ეპოვა, რომელიც ვანიჩკას დაგორების დროს დარჩენოდა. დაგორებულებს თოვლ ყინულა ველამდე ეგორავათ და იქ წოწის ძირში შეჩერებულყევნ. სწორედ ამ დროს ზევიდან რაღაც ყვირილი მომესმა. ვილაცა გიორგის უძახდა. მაშინ მას მე არავითარი ყურადღება არ მივაქციე, თუმცა ის დიდხანს ყვიროდა, ატო, რომელიც ჩემს უკან იყო, უკან დაბრუნდა და იმ საშინელ ციკაბოზე ხელახლად ავიდა, იქ თურმე ჟორა აღიხანოვი დარჩენილიყო და გიორგის უძახდა. მას წრაპი მოხსნოდა გაყინული ხელებით ვეღარ შეეკრა და ქვევით ვეღარ მოდიოდა. ატოს დახმარებით მალე ისიც მომეწია. მთელი გზა წოწის ფუძემდე ასე სრულიად ჩავიარე, რაც, ცოტა არ იყოს, მომეწონა. მართლაც სასიამოვნოა გაყინულ თოვლზე, რომლის დაქანებაც კარგა დიდია, ასე ცურაობით ჩასვლა, მალე დაქანება თან და თან შემეცირდა და ცურაობით ჩასვლა გაძნელდა. იძუ-

ლებული ვიყავი „ეტლიდან“ ჩამოვსულიყავ, ქვევით ლიდუსია კონიკით და გიორგი დაგვბდენ, რომლებიც ჩვენ გველოდებოდნენ. მალე ჟორა და ატოც მივიდნენ და ერთად წავედით. უკვე ბინდებოდა, ამიტომ ძალიან ვეშურებოდით. რადგან ჩვენს გარდა ყველანი წასულიყვენ და გვეშინოდა, რომ გზა არ აგვრევოდა. გადავიარეთ თოვლ ყინულა ველი. „ყინვართ გუშავთან“ ლევან ქუშაშვილი დაგვბდა, რომელმაც პირველად ფოთა ჩაიყვანა, შემდეგ მარო ტყავაძე და არც ჩვენ დავიწყებოდით. მისი შეხვედრა ჩვენ ძალიან გავგებხარდაგამოგვკითხეთ ფოთას, დაგორებულ ვანიჩკას და მაროს ამბავი, მან გვიპასუხა, რომ ყველანი კარგად არიან და თქვენ გელოდებიანო. მივუახლოვდით გზა წიკლაურის კლდოვან ბილიკს. აქ „ქვევით“ მშენიერი მთვარიანი ღამე იყო და მთვარის სინათლეზე ეს გზა ლამაზად მოჩანდა, ქარიც შესუსტდა, შორს ქვევით შევარდენის ბუდიდან მკრთალი სინათლე მოჩანდა. მდუმარებს მხოლოდ ჩვენი ფეხების ფრატუნე არღვევდა. ჩემი ბანდულები ისე წახდა და ღაიღრიცა ამ კლდეებზე სიარულით, რომ ფლოსტებივით მივათრევედი. ვეებერთელა ამართული კლდეების სილუეტები მთვარის სინათლეზე თხელ ბურუსში განხვეული რაღაც ფანტასტიურ სურათებს წარმოადგენდა. ზოგი მათგანი წელში მოხრილ მოხუცს მოგაგონებდათ, ჯოხით ხელში, ზოგი ცხენოსან მხედარს, ზოგი ხელემაპყრობილს ადამიანს და სხ.

შევარდენის ბუდეში ყველა აღტაცებული შეგვბდა. ვულოცავდით ერთმანეთს ღღევანდელ გამარჯვებას. ყველანი დიდ კარავში თავმოყრილნი მოშავალ მგზავრობაზე ვოცნებობდით, რადგან ხვალ ან ზეგ გველეთიდან დარიალის ხეობით ძაღვში (კავკავი) უნდა წავსულიყავით. ჩვენს მიზანს ხომ ვეწიეთ, 18 კაცი უნებლად ავედით მყინვარწვერზე. ღამე საშინელი ცივი და ქარიანი იყო, ამას გარდა, რადგანაც გზაში რამდენჯერმე მოვიხსენი სათვალეები, თვალეები საშინლად მტკიოდა. ისეთი გრძობა მქონდა, თითქოს თვალეებში ეკლიანი გორგალი დაგორავდა. ელიკოს თვალეები უფრო ცუდ ღღეში იყო, რადგან ის ხშირად იხსნიდა სათვალეებს.

მეორე ღღეს ყველა რაღაც საშინელი შესახედაობის ვიყავით. ტუჩები უმეტესობას დახეთქილი ჰქონდა, სახე გაშავებული, უფრო კი ჟანგის ფერი. ამ მხრივ მე ყველაზე უკეთესს მდგომარეობაში ვიყავი, რადგანაც მყინვარზე ასვლის დროს მთელი სახე დაფარული მქონდა თავშლით. ისეთი საზარელი



შესახედისა ვიყავით საერთოდ ყველანი, რომ არ მგონა, თუ ოდესმე ისევ ადამიანებს დავემზავსებოდით. ყველაზე ცუდ მდგომარეობაში ჩვენი ხელები

იყო, სწორედ ნახშირის ფერი, დღესაც ვერ გამომი-რკვევია, ქუჭყი იყო ამის მიზეზი, თუ იმ მაღალი მთის ჰაერის ქიმიური ზეგავლენა.



მყინვარზე ასულთა სია: ლორთქიფანიძე ელიკო, ნიკოლაიშვილი ასმათ, ტუავაძე მარო, ჩხეიძე ლიდა, ბეჟანიშვილი მარო. ძმები: აღნიაშვილი ატო, აღინანოვი ჟორა, ბაუმჰაუერ ფრიდრიხ, კლაძე სანდრო, კუკავაძე ვანიჩკა, მამამთავრიშვილი შაქრო, მჭედლი-შვილი ვასო, მათიაშვილი მიშა, ნიკოლაძე გიორგი, პაკენ-დორფ კურტი, ჭინჭარაძე მიშა, გამყოლნი: კაზალიკაშვილი იავორ, სტავროპოლელი რუსი: ჩუმინინი.

შეგარდნის გულე, დიდებულინი მესე, მოსკოლაღმ-ღარაკზე, დედაკაქისაქინ მამგზავრება.

29. 30 მარამობისთვის

მეორე დღეს ყველანი დიდ კარავში თავ-მო-ყრილნი დიდი ამბით ვადგენდით თბილისს გასაგზავნად დებეშებს ჩვენი ასვლის შესახებ. რამდენიმე ძმა იმ დღესვე წავიდა ქვევით: ჟორა და ბორია—კავკავს, რადგანაც ჟორას ძალიან აწუხებდა თვალის ტკივილი, სანდრო და მიშა ჭინჭარაძე—გველეთს, სადაც ჩვენთვის ბინა და საზრდო უნდა მოემზადებინათ. დარი ფუჭდებოდა. ცა ღრუბლებით იმოსებოდა და ალბათ ამ ერთ კვირას მაინც აღარ გამოიდარებდა. ერთი დღით რომ დაგვეგვიანა, მყინვარზე ვეღარ ავიდოდით, რადგან საშუალება არ გვექნებოდა იქ დარის ცდისთვის. მეორე დღეს კიდევ გაავდარდა, ოდნავ სცრიდა. მოსალოდნელი იყო უფრო ცუდი დარი, მაგრამ ქვევით წასვლას არა ვჩქარობდით. ნაწილს კი ძალიან უნდოდა წასვლა; ცოტა სურსათი კიდევ დაგვრჩა, წა-

ღება გვეზარებოდა, გვანდოდა აქვე გაგვეთავებინა და ისე წავსულიყავით, რადგან უიმისოდაც ბევრი ტვირთი გვექონდა ჩასატანი. ის ტვირთი, რომელიც ზევით 18 მზილავმა ამოიტანა, აქედან ჩვენ უნდა წაგვეღო. საშინლად მოგვაბეზრა თავი ამ ტკბილმა და ნოყიერმა საქმელმა, გვენატრებოდა პური და რამე მარილიანი საქმელი მაგრამ ამ მთების მოშორებაც ძალიან გვენანებოდა, აგერ მეორე დღეა, რაც მყინვარი სქელ ბურუსშია გახვეული და აღარ დავინახავს

ახლა უმთავრესი ჩვენი ყურადღება დევდარაკისკენ არის მიპყრობილი, რადგანაც დიდებულიძის ექსპედიციას მოვევლით, აი ქვევით რალაც მოძრაობა შევამჩნიეთ და დავრწმუნდით, რომ დიდებულიძის ექსპედიცია მოსულა დევდარაკზე, რამაც ძალიან გაგვახარა. ავდექით და ერთხმად დაუწყეთ ძაბილი სოსო ასლაშვილს თითო მარცვლის გაგრძელებით (სოსოც იქ უნდა ყოფილიყო), საჩქაროთ გადავწყვიტეთ დევდარაკისკენ გამგზავრება, შევკარით ტვირთი და შეძლების დაგვარად გავანაწილეთ. ყველა




საშინლად დაიტვირთა ამ ტვირთის შეკვრის დროს დამთავრდა ტრადიულად ატოს ვარდისფერი თბილი საბნის ბედი, რომელსაც ყველა და, უნდა ვსთქვა, მეც (რადგან ღამე ძალიან მციოდა ხოლმე) შურის თვალით ვუყურებდით. იგი სრულიად თავის ნებით დაგორდა და ხრამში გადიქარგა, რითაც ატოს ტვირთი შესამჩნევად შემსუბუქდა.

ძალიან გულ დაწყვეტით გამოვემშვიდობეთ შევარდენის ბუდეს, სადაც მრავალი წარწერები დავტოვეთ და ჩამოსვლა დავიწყეთ მაგრამ როგორ ჩამოხვალ? კლდეები დასველებული და ლიჰია, რის გამოც დიდი სიფრთხილეა საჭირო ამას გარდა წვიმით გაქლენთილი კლდეები უფრო ადვილად იმზღვრევა, სწყდება. ჯერ ათი მეტრიც არ ჩამოგვეარა, რომ კოწიას გაუფრთხილებლობით მოსწყდა ვებერთელა კლდე და ფოთი და პავლიკი კინაღამ თან გაიტანა, რომლებიც ისე სხარტათ გახტნენ; ერთი მარჯვნივ, მეორე მარცხნივ, რომ თვალის დახამხამებაც ვერ მოვასწარი. თუ არა მათი სიმარჯვე, ორივე დაიღუპებოდა ამან ისე იმოქმედა ჩვენზე, რომ უფრო მეტი სიფრთხილით დავიწყეთ ჩამოსვლა. ბარგს ვაგორებდით, მაგრამ აქაც დიდი სიფრთხილე იყო საჭირო, რომ ბარგი ისეთ ხევში არ ჩაგორებულიყო, საითაც ჩვენ გზა არ გვექონდა. ჩემი ტყავის კურტკა სრულიად დასველდა და წყლით გაიქლინა, რომ ავეწონა, ალბათ, ერთი ფუთი გამოვიდოდა. ამას გარდა მომქონდა ჩემი საკუთარი ტვირთი და ნაწილი საერთოდან. ჯერ ნახევარი გზაც არ გვექნებოდა ჩამოვლილი, რომ დაიმსხვრა გიორგის აპარტი, რომელიც საგანგებოდ ებარა, პავლიკს. ის იყო კლდოვანი გზა ჩამოვიარეთ, როცა დიდებულის ძის ექსპედიციის ნაწილი შეგვხვდა, შევარდენის ბუდისკენ მიმავალი — მათში ერთი ერთი ქალიც (ჯაფარიძე) მათ მოგვილოცეს გამარჯვება, ცოტა ამბებიც გამოვიკითხეთ ერთი მეორეს და მალე ისევ ჩვენ — ჩვენი გზა განვაგრძეთ. ვადავიარეთ დევდარაკის მყინვარზე და მივედით ნანგრევებთან. დიდებულის ძის ექსპედიცია და სოსოც. დიდი სტუმრათ მოყვარეობით შეგვხვდნენ დასველებული და გაყინული შემოგუსხედით ცეცხლს, სადაც დიდებულის ძის ექსპ. მზიდველები ჯიხვის მწვადს სწვადნენ ისინი ისე გემრიელად შეექცეოდნენ ამ მწვადს ჰადას და ყველს, რომ ჩვენ, დამშულებმა, ვეღარ მოვითმინეთ და მე და ელიკომ ვსთხოვეთ. პირველად ჩვენი თხოვნა დააკმაყოფილეს, მაგრამ, აბა რას გვეყოფოდა, თითო ლუქმაც არ გვერგო. გამოვძებნეთ შოკოლადი და დავიწყეთ გაცვლა. იმათაც ისარგებლეს და ვებერთელა ნაჭერ შოკოლადში იმდენსავე ჰადს გვაძლევდნენ. ძმებმა ნანგრევებ

შორის კარვები შეშალეს. მისგვერდით დიდი ცეცხლი ავანთეთ ცეცხლზე ლევან ქუჩიშვილის მოკლული ჯიხვის ხორცი იხარშებოდა და ჩვენც მოუთმენლად ველოდით მას.

დაღამდა დაღალულ-დაქანცულებს მოსვენება გვექირდებოდა, მაგრამ სად დავწევბოდით, როცა მშრალი ადგილი არსად მოიპოვებოდა? ჩვენც მთლად სველები ვიყავით არც კარავში იყო უკეთესი მდგომარეობა წვიმა ჩამოდროდაა მთელ სხეულში რალაც სინოტივეს ვგრძნობდი. წვიმის წვეთები ხან კისერში ჩაგვეცემოდა, ხან სახეზე.



დევდარაკის მყინვარი და ბარტ-კორტის ქელით მყინვარ-წვერის გზა

1. კლდე ქოხი 2. მყინვართ-გუშაგნი.

დევდარაკის მყინვარიდან თბილისამდე.

დილით ადრე ავდექით, სიცივემ და წვიმამ ისე შეგვაწუხა, რომ თითქმის მთელი ღამე არ გვეძინებია, თუმცა სუნთქვა აქ გაცილებით თავისუფლად შეიძლებოდა და ვიდრე შევარდენის ბუდეში. საზოგადოდ, მაღალ ადგილებში და მთებში სუნთქვა ძალიან ძნელია, რადგანაც იქ ჰაერი გათხელებულია, რაც განსაკუთრებით მოქმედობს ფილტვებზე და გულზე. დავრიგეთ ჩვენი უკანასკნელი საუზმე. რასაც შეადგენდა ნახმის ფხვნილი და კარაქი, რომელიც ძმებმა ერთანეთში აურიეს და ისე შექამეს. გამოვემშვიდობეთ დიდებულის ძის ექსპედიციას და გველეთისკენ გავსწიეთ. ისევ წვიმდა. ირგვლივ ყველაფერი სქელ ბურუსში იყო გახვეული. საშინლად დატვირთულებს ამ უკანასკნელი მაძილის ჩამოვლა ძალიან გავვიჭირდა. ბარგს ვა-



გორებდით, მაგრამ ხშირად იგი ისეთ ალაგას ჩაგორდებოდა ხოლმე, რომ მოძებნა და უკან ამოტანა გვიხდებოდა. ზოგიერთი ჩვენგანი და მეც სრულიად ფეხშიშველი მივდიოდით, რადგანაც ფეხსაცმელი გავვიცივდა.

ოთხი საათი იქნებოდა, როცა გველეთში მივედით, სადაც სანდროს ჩვენთვის ბინაც და კარგი საუზმეც მოემზადებინა. ამდენი ხნის კლდეებში და თოვლში ყოფნის შემდეგ ეს პატარა ოთახი რაღაც ზღაპრულ დარბაზად გვეჩვენებოდა. არაჩვეულებრივ სტუმართმოყვარეობით შეგვხვდნენ ამ ბინის პატრონი ქისტები, მაგრამ აღსანიშნავია აგრეთვე ის, რომ წამოსვლის დროს ოთახის და ლოგინის ქირაც კი გადაგვახდევინეს. ერთი ღამე დავრჩით გველეთში და მეორე დღით ორთვალა ცხენის ურმებით ძაუგისკენ გავემკვავრეთ.

მშვენიერი დარი იყო და დარიალის ხეობის სილამაზე მთელი თავის სიდიადით თვალ წინ გადაგვეშალა. გზა მომწყვდევლია უზარმაზარ კლდოვან ქედებს შორის, რომელთა შუა თერგი მიღრილებს. ალაგ-ალაგ ხეობა ისე ვიწროვდება, რომ თერგის მრისხანე ტალღები კლდეებს ეხეთქება და

დროთა განმავლობაში თვით ამ პიტალო კლდეშიც კი გამოუქრია კალაპოტი აუწერელია ის აღტაცვდა აღფრთოვანება, რაც ჩვენში გამოიწვია დარიალის ხეობაში მგზავრობამ. აი, გავიარეთ სადარაჯო გათავდა საქართველო, გადავედით რუსეთში. საზღვარზე ავტეხნეთ ყვირილი და საქართველოს ვემშვიდობებოდით. დარიალის ვიწრო ხეობა თანდათანობით გაგანიერდა და ის უზარმაზარი კლდოვანი მთები, რომელსაც თვალსაც კი ვერ ვუწვდენდით, შემცირდა და ბოლოს სულ დაილია. ახლა გზა მიდიოდა დიდ ველზე. მხოლოდ შორს მარჯვნივ და მარცხნივ მთები მოჩანდა.

კარგა აღრე იყო, როცა ქ. ძაუგს მივედით.

ქ. ძაუგი მდინარე თერგის მარჯვენა ნაპირზეა გაშენებული. ეს ქალაქი ღამაზია და ეტყობა, წინათ უკეთესი უნდა ყოფილიყო ამ ქაშად კი მომეტებული სახლებისა დანგრეულ — გადამწვარია რევოლიუციის დროს. ქალაქში მშვენიერი ბაღია შუა ბაღში კი თერგის ტოტია გაყვანილი ნავეებით საცურაო აუზისთვის, სადაც სალამობ. თ დავცურავდით. აქვე არის მოწყობილი საბანაო აუზი. იმდენი გაჭირვების გადატანის შემდეგ ჩვენ ამ ქა-



კასპიის ზღვაზე (დარუბანდში).

ლაქში საბლოოდ დავისვენეთ და მოვკეთდით კიდევ. ოთხი დღე დავრჩით ძაუგში და, რადგანაც ის მავალა, რომელიც თფილისიდან უნდა გამოგზანათ, იგვიანებდა, ჩვენ კი ფული გველეოდა, მას აღარ მოუტადეთ და მატარებლით წამოვედით. სრული ოთხი დღე ვიმგზავრეთ მატარებლით. ერთი დღე კასპიის ზღვაზე გავატარეთ, რადგან მატა-

რებელი ერთი დღე დარუბანდში გაჩერდა, რომელიც კასპიის ზღვის პირას არის. ამ ოთხმა დღემ ხომ სრულიად მოგვაკეთა და დავგასვენა. ყველა არაჩვეულებრივად დავსუქდით. თბილისში აღტაცებით შეგვხვდნენ და საშინლად უკვირდით, რომ ყველა ჯანსაღად და სრულიად უვნებლად დავბრუნდით. მართლაც სრული ცხრამეტი



დღე გაგრძელდა ეს „გაფრენი“. ვინ იცის, რამდენი გაჭირვება და უხერხულობა გადავიტანეთ, მაგრამ, მიუხედავად ამისა, ავადაც კი არავინ გაგვხლომია, რადგანაც ჩვენ წინდაწინვე შევეჩვიეთ სიციფესაც, სიცხესაც და ყოველგვარ გაჭირვების გადატანას პატარ-პატარა გაფრენებით. თუ აღამიანი და-

უახლოვდა ბუნებას, იგი მასველარ მოშორდება და, თუ მოშორდა, იგრძნობს რაღაც უდიდეს ნაკლს თავის ცხოვრებაში. ბუნებასთან დაახლოება აფაქიზებს და ამაღლებს ადამიანს.

სწორედ ამ მიზნით საქ. გეოგრ. საზოგადოებასთან დაარსდა მგზავროსანთა (ტურისტთა)





მუინვარ წვერზე ასულ ქალთა ჯგუფი:
 მარცხნიდან მარჯვნივ: სხედან: ლიდა ჩხეიძე, ასმათ ნიკოლაიშვილი. დგანან: მარო ტყაყაძე, ელიკო ლორთქიფანიძე, მარო ბეჟანიშვილი.

განყოფილება. წვერებს მიზნადა აქვთ დასახული საქართველოს ყოველ მნიშვნელოვან და საინტერესო კუთხის დათვალიერება, ყოველ მაღალ მწვერვალზე ასვლა. ჯერჯერობით ეს განყოფილება უმთავრესად ჩვენი ჯგუფიდან შესდგება, მაგრამ სასურველია, რომ არა მარტო ერთი ჯგუფი ემსახურებოდეს ამ მიზანს. ყოველი ქართველი მოვალეა შეისწავლოს და თავისი თვალთ იხილოს ჩვენი ქვეყნის ყველა ის ღირსშესანიშნავი ადგილები,

რომელიც მრავლად მოიპოვება საქართველოში. აქამდე ინგლისელები, გერმანელები და საზოგადოდ უცხოელები მრავლად მიისწრაფოდნენ ჩვენი ბუნებისკენ, ჩვენი მწვერვალებისკენ, ხოლო თვით ქართველები კი არა. იმედია, ახლა ქართველების ჯერიც დადგება და ჩვენი ქართველი „პირველი ასვლა მუინვარწვერზე“ ამის წინამორბედი იქნება.

მარო ბეჟანიშვილი.





სამართლიანი შურისძიება

(ბავშობის მოგონება).



ინდოთ გებაასოთ ზაფხულზე, ქალე-
ბში სირბილზე, თევზაობაზე, ნაღი-
რობაზე?

ბევრი რამა მაქვს მოსაგონარი
ბავშობისას ასე დარდიმანდულად
გატარებულ დროებაზე.

მართლაც უნდა გაჰოვტყდეს და გულზე ხელ-
დადებითა ვსთქვა: სწავლა მე არას დროსაც არ მე-
ზარებოდა. პირიქით მე ყველაზედ ბეჯითი შეგირ-
დიც ვიყავი. მხოლოდ მოახლოვდებოდა თუ არა
დათხოვნის დრო, მეც დამიწყებდა გული ფანცქალს
მტრედის ხუნდივით.

აჰა, დავითხოვეს კიდევცა!

ჩვენები უკვე ემზადებიან. ბარგი-ბარხანასა
ჰკრავენ. მე სიხარულით მთელ დღეს ხურჯინებში
და მაფრაშებში ვკოტრიალობ.

წასვლის დღეს ხომ სულ ციბრუტივითა ვტრი-
ალებდი. რალად მინდოდა ან სასმელი, ან საჭმელი?
ერთი ჩქარა კი დავიძრათ, მივადწიოთ ი საოხრო
სადგურსა.

აი მივედით კიდევც. ჩავსხედით ვაკონში,

დარეკეს პირველი ზარი. ღმერთო! ეს რა
ნეტარება!

მეორე ზარს კი ეს დაწყევლილები, დახეთ,
როგორ აგვიანებენ ჩემ ჯიბრზე!

როგორც იქნა ჩამოჰკრეს მეორეც.

მესამის ლოდინში კი პირდაპირ სული მელევა.
ნეტა როდის ველირსებით ამ საოხრო მესამე ზარს!

აჰა, ჩამოჰკრეს მესამეც. ძლივს! ძლივს!

ახლა კი მშვიდობით ქალაქო! მშვიდობით შე-
მოდგომამდე!

ახლა კი ვენაცვალე სოფლის გზა-და კვალსა!
ვენაცვალე იქაურ ჯეჯილებს, ქალებს, ხენა თესვას,
კალოობას. იწყება ჩემი დღეობაც. გიხაროდეს სო-
ფლის ტოლ-ბიჭებში ნავარდი. მერე როგორ ვე-
ჯიბრებით ხოლმე ერთმანეთს სირბილში, ცურაობაში,
თევზაობაში, მწყობის დაქერაში!

რამდენი კაი ბიჭისთვის მიჯობნია, ერიჰა! ვინ
ჩამოგვითვლის ამასა!

ჩემზე მეტად ჩვენ პატარა ტერტიკელებს გა-
ხარდებით ხოლმე ჩემი ნახვა.

პირველ დღეს სულ აზიზათ მეკიდებიან. მეზა-
ტიეებიან. მეუბნებიან თავიანთ ახალ ამბებს, მაგრამ
შემეჩვენვიან თუ არა, უყუბრე მერე ჩვენ ალიაქოთსა.

ეჰ, რამდენჯერ შემოაუფხრეწით ჩემთვის ახალი
ხალათი და პერანგი ქიდაობაში, სალაობაში, ჩილი-
კობასა და სხვა უბედურობაში.

ერთი უნდა ვსთქვა, რომ დღე სოფელში და-
რჩენა ძალიან მეზარებოდა ხოლმე. ან რა უნდა
მეკეთებინა? მამასახლისი მე არ ვიყავი და ჩათარი.

მოვიტეხავდი ერთ კარგ პურის ყუას და საცუ-
ლუტოდ გამზადებულ ჩემ ტოლებთან ერთად გა-
ვსწევდით ქალისკენ. თან წავიყვანდით ხოლმე მუ-
რიას. როგორ გვიხაროდა, როგორ ვხითხითებდით,
ის რომ ცაში მფრინავ ყვავებსა და კაქკაქებს
დაუწყებდა დევნასა.

არც კალათები გვაფიწყებოდა მარწყვისათვის.

დღევ! მერმე რამდენი მარწყვი იცოდა ჩვენ
ქალის პირებში!

კაი ლალის თვლები რომ იქნება მობნეული
მწვანე ხალიჩაზე ისე დაქლავებდა ხოლმე მთელი
მინდორი.

გავყვებოდით ადგილიდან ადგილს, მინდვრიდან-
მინდორს და ასე გამოგვიღამდებოდა მთელი დღეც.

მეტადრე რა ჟრიაპული შეგვიდგებოდა ხოლმე
თუ რომელიმე ჩირგვიდან კურდღელსაც წამოვხ-
ტუნებდით.

ჯოგეულად გავეკიდებოდით უკან ჟივილ ხივი-
ლით. წინ ჩვენი მურა მიძუტუტუგებდა, მაგრამ ყურ-
ცქვიტა კურდღელი ყველას გავვისწრებდა და ვრჩე-
ბოდით ყველანი პირში ჩალა გამოვლენული.

მაგრამ თუ ბაჭიებს მოვკრავდით თვალს, ისინი
კი ველარსად წავგივიდოდენ ხოლმე.

რამდენი ბუდე მომიშლია! რამდენი ჩიტის
ცოდო დამიდვია, ერიჰა, ვინ დათვლის! ახლა კი
ვხედავ, თუ რა სიბრიყვეს ჩავდიოდი და სინანულით
მევესება გული.

თევზაობა მიყვარდა გადასარევით. ყოველ ორ-



სამ დღეში ერთხელ შევესეოდით მტკვრის რომე-
მელიმე ტოტსა, დაეწყვეტავდით და გავკონდა
ერთი ამბავი. თევზს მუდამ ბლომად ვიჭერდით.
იქაც კარგად გამოვიზეზებოდით ხოლმე და შინაც
კაი ნანადირევით ვბრუნდებოდით.

უნდა გენახათ, თუ რა სიამაყით დავდგამდი
ხოლმე თევზით საფე კალათას მამაჩემის წინ: ახლაც
იტყვის, რომ ტყუილად ვაღამებ მთელ დღესა!

ძალიან ხშირად საქონელიც დამიდიოდა მინ-
დორში. ამნაირ რამეზე არ დავიზარებდი არასოდეს.
ეს ჩემ გართობას ხელს არ უშლიდა: დავჭრიდი
ბლომად ნერგის მანეულებს, ჩამოვჯდებოდი ჩემთვის
წყლის პირად და ვწნავდი კობტა კალათებს.

რამდენჯერმე გარეული იხვის კვერცხებიც მი-
პოვია, მაგრამ რა სიხარულს მივცემივარ მაშინ,
თითქოს იხვის კვერცხები კი არა - ნატვრის თვალი
მეპოვოს.

სწავლა თითქმის აღარ მახსოვდა, მაგრამ ეს
იმიტომ, რომ მუდამ იმედი მქონდა ჩემი თავისა.
ისე კი პატარა მოთხრობები ხშირად მიმქონდა მინ-
დორში და ვუკითხავდი ხოლმე ჩემ ტოლებს.

არა, ძალიან ბედნიერადა და სიამოვნებით ვა-
ტარებდი თითქმის ყოველ დღეს, ან რატომაც არ
ვიქნებოდი ბედნიერი, როცა ჯერ მე ცხოვრებაზე
ყურსაც არ ვიბერტყავდი.

მამაჩემი მართალია ღარიბი გლეხ-კაცი იყო-
ამას კარგად ვხედავდი, მაგრამ ბავშურის დაუდევ-
რობით მე მაინც აინუნში არ ვივდებდი არაფერს.

მხოლოდ ერთმა დღემ უეცრივ გამომაფხიზლა
ამ ბავშურის ნეტარებიდან.

საქმე ასე იყო.
მართალია ბატონ-ყმობა ორპოცი წლის ვადა
ვარდნილი იყო, მაგრამ ჩვენ თავადებს მაინც ბატო-
ნებს ვუძახდით.

აი ამ ჩვენს ბატონს მოურავათა ჰყავდა ერთი-
ჩაჩანი.

სა თოდ ასე იყო მიღებული: ყველა დიდ
მებატო ეს ყოველთვის ჰყავდა ან ოსი, ან ჩაჩანი.

ერთ საღამოს ჩამოუარა ამ ჩაჩანმა საბატონო
გლეხებს და მეორე დღისთვის ბატონის სამუშაოზე
გაიწვია რასაკვირველია მუქთად. უარის თქმას
ვერც-თუ შეჰკადრებდა ვინმე.

მამაჩემსაც დაუძახა ხვალის სამუშაოდ.

მაგრამ მამაჩემს ყანა ჰქონდა სათიბი. ერთი
კვირით უკვე დაავიანდა მისი მოთიბვა და ჰინახუ-
ლი სულ ერთიან ჩამწვარი იყო მზისაგან. უეჭვე-
ლად უნდა გათიბულიყო იმ დღეს, რადგან მეო-
რე დღეს კვირა იყო და ორშაბათამდე ხომ სულ
ერთიან ვაოხრდებოდა მოსავალი.

შემეხვეწე მამაჩემი:

— შეილო, მოდი შენ წაჰყე ბატონს სამუშა-
ოში. იმათაც თიბვა აქვთ. შენ ფოჩხი აიღე და
ისე მიჰყევი ნება-ნება. არავინ არ გაჯაფრდება, თუ
დიდებსავით ვერ იმუშავებ. პირიქით სხვებიც მო-
გეშველებიან და იოლად წაგიყვანენ. მე კი შინ
ჩვენ საქმეს გავაკეთებ და ეს დიდი ხეირი იქნება
ოჯახისთვისო.

მე მამაჩემი უზომოდ მიყვარდა და იმის ხათრს
არასდროს არ გავტეხავდი.

მეორე დღეს, დილა აღრიან წამოვხტი, გავი-
დე ფოჩხი მხარზე და გავუდექი ბატონის ყანას.

შივედი. ჩაჩანმა ერთი მკვანეთ შემომიტია:
შენ ვის მაგივრათა ხარო?

მე ავუხსენი. მაგრამ იმას სრულიადაც არ ეტა-
შნიკა თორმეტი წლის ბავში დიდი მუშა კაცის
სანაცვლოდ.

— შენ რა უნდა გამიკეთო ძუძუმწოვარა
ღლაბმა და სრულ მუშაში კი უნდა ჩამეთვალოვო.

მე ვუთხარი, რომ არავის არ ჩამოვრჩები მე-
მეთქი მუშაობაში.

მართლაც შუადღემდე სულ ციბრუტივითა
ვტრიალებდი. შუადღის შემდეგ სიცხემ როგორ-
ღაც მომქანცა და ერთიან სულ მოვითენთე.

თიბვის დროს სულ ჩაჩანი უკან მოგვდევდა
და მკვანე ხმით გვაქეზებდა სამუშაოზე.

უცებ სამ კურდღლის ბაჰიას წავაწყვით, ორი
დიღმა კაცებმა დაიჭირეს. ერთსაც მე გავეკიდევი
და მაშინათვე დავიჭირე. სიხარულით ცას დავე-
წიე: მიხაროდა დღევანდელი დღე არ გამცუნია
მეთქი.

მაგრამ უყურეთ, ადამიანი რომ ურჯულო იქ-
ნება! ადგა და ი ჩაჩანმა სამივე ბაჰია წაგვართვა.
რამდენი ვეხვეწე, ერთი მაჩუქე მეთქი, მაგრამ,
თქვენც არ მომიკვდეთ იმან ჩემი მუდარა არ შეი-
სმინა.

გული მომიკვდა და აღარ ვიცოდი როგორ
მემუშავნა.

ჩემივე დაჭერილი ბაჰია წამართვა იმ ურწმუ-
ნომ, იმანა!

სიბრაზისაგან სულ ვკანკალებდი და ვატყო
ბდი დიდრონი ცრემლებიც მომადგენ თვალებში,
თუმცა ვსცდილობდი არ შეემჩნია ვისმე.

სულ ერთიან დამეკარგა ხალისი მუშაობისა
და ერთხელა ვფიქრობდი:

— რატომ არა რცხვენია, რომ ამოდენა კა-
ცმა ერთი კიკნელა ბავშვს ბაჰია წამართვა! ეს ჩუ-
ქების მაგიერია, თუ რა უბედურებაა!

ამ ფიქრებში ვარ გართული.

ამ დროს უეცრივ შემომიტია ჩაჩანმა, ჩქარა
იმუშავეო და შემომიკურთხა.

მე მეწყინა და შევეუბუხლუნე:



— შენ ე, რას ილანძღები! შენი, გაზრდილი ხომ არ ვარ?

როგორ თუ რას ვილანძღები და თანაც კიდევ დედის სული შემიკურთხა. ეს კი ვეღარ ავითანე და გაბრაზებულმა მეც შევეავინე.

იმან უფრო უარესად დამიწყო ლანძღვა, მეც პასუხი შევეუტრიალე.

აქ უცებ გამხეცდა ჩაჩანი, იძრო ხანჯალი და გაოქენა ჩემსკენ. მე იმ წუთში გავაგდე ფოჩნი და მოვიგლიჯე სოფლისაკენ. მივრბივარ და მომდევს უკან ხანჯალ-ამოწვდილი ჩაჩანი. ჩემ ბედათ იმაზე მარჯვე გამოვდექი სირბილში. ევლარ დამეწია, ადგა და გაბრაზებულმა ხანჯალი მესროლა. აქაც დამიფარა ბედმა და გადავურჩი ხათაბალას.

მოვედი შინ, მაგრამ ვაი ამ მოსვლას, სიცოცხლის ნიშან-წყალი აღარ იყო ჩემ სახეზე.

სალამოზე ვუთხმე მამაჩემს ყველაფერი. ბევრი ირტყა გულში მუშტი, მაგრამ ბატონის კაცს აბა რა მოველებოდა. საციმბიროდ ხომ თავს ვერ გადასდებდა ამნაირ საქმეზე ოჯახის მოვალე კაცი.

მხოლოდ შევატყე კი უბედურად იმოქმედა მასზე, მთელ სალამოს სულ ჯიჯივით იჯდა შელოცვილივით და არც ვახშამი უქამია.

მე გული მომიკვდა ჩემზეცა და მამაჩემზეც, რომ ვილაცა ჩაჩანმა ესე დაგვჩაგრა ჩვენ — ჩვენს ქვეყანაში და ხმა კი ვერ გაგვიცია ბატონის შიშით.

ის იყო და ისა. იმის შემდეგ სათაფეზე აღარ ვეკარებოდი იმ ჩაჩანსა. თვალს მოვკრავდი თუ არა, დღისაღალზე მოვუვლიდი გარშემო.

მულამ კი ვფრთხილობდი: პირისპირ არ შევეჯახო და არ გამოახოს მეთქი.

ეს რომ შემთხვევოდა მეორედ, მე მგონი წყალში თავს დავიდრჩობდი სიბრაზისაგან.

როგორც იქნა გავიდა ზაფხული.

მოვიდა ჩემი ქალაქში გამგზავრების დროც. ჩამაკუნავა კარგად მამაჩემმა და გამიყენა ქალაქის გზას.

თან გული მწყდება სოფელზე, თანაც მიხა-

რია ქალაქი, სწავლა, სამი-ოთხი თვის უნახავი ამხანაგები...

მაგრამ თან კიდევ რაღაც მიღრღნის გულს. ჩემი გონება მოწამლულია. წრეულს როგორღაც უფრო მეტად მიხარია სოფლიდან წასვლა.

რათა? რა მიზეზია?

აი მოვიდა მატარებელი. საჩქაროთ ჩავჯექი რონდოში. მივაგდე ჩემი ხურჯინი კუთხეში და გადავეკიდე ფანჯარაში მამაჩემის გამოსამშვიდობებლად.

ამ დროს თვალი მოვკარი იმ წყეულ ჩაჩანს. იგი სადგურზე დასდინობდა.

ერთბაშად გულში გამიელვა შურისძიების გრძნობამ. დამავიწყდა ყველაფერი და გაშმაგებით მოვრთე ყვირილი ჩაჩანისაკენ:

— ჩაჩანო! შე წუწკო! შე არამზადა! მხეცო! ავაზაკო! სისხლის მსმელო!

თან მოვრთე ისეთი ლანძღვა, რაც ჩემ სიცოცხლეში ჩემი პირიდან არ ამოსულა არც იმის წინეთ და არც იმის შემდეგ.

ვაგინებ, ვლანძღავ რაც ძალი დაღონე მაქვს. დაჰკრეს მეორე ზარი — მე სულ ვაგინებ.

დაჰკრეს მესამე, არა ვცხრებო, უფრო ვუმატებ.

გაშტერებული ხალხი შემომჩერებ. ა. მე კი სულ მეხივით ვაყრი და ვაყრი იმ წუწკს.

ის კი სახტად გაშეშდა ერთ ადგილას. აღარ იცის რა ჰქნას.

მატარებელი დაიძრა. მე მუშტებ მოღერებით უფრო ხვა მალლა შევსძახი:

— წუწკო! წუწკო! ავაზაკო!

ჩაჩანი კბილებს აკრაქუნებს, მაგრამ რალს დამაკლებს. მე მატარებელში ვზივარ, მივქრივარ და უკანასკნელ თვალის მოფარებამდე მაინც ვუგზავნი მუქარას და ლანძღვას.

ბედნიერად ვგრძნობდი ჩემ თავს.

ქალაქში როგორ ჩავედი, სიხარულისაგან არც კი შემიმჩნევია.

შემდეგ მთელი წელიწადი აღარ მომშორებია ეს საამო გრძნობა სამართლიანი შურისძიებისა.

ნიკორა.





ბიბლიოგრაფია

ბავშთა სამაისო გაზეთი: „პირველი მაისი“.

სოციალური აღზრდის მთავარ-მართველობასთან არსებულმა სალიტერატურო-სამხატვრო სექციამ პირველი მაისის დღესასწაულისათვის გამოსცა ბავშთა გაზეთი „პირველი მაისი“. „პირველი მაისი“ ეს სარკეა, რომელშიაც ნათლად მოსჩანს ბავშთა შემოქმედების ყვაილები. გაზეთში მოთავსებულია მხოლოდ ბავშთა ნაწარმოები: ლექსები, მოთხრობები და მოგონებები, უმთავრესად პირველი მაისის დღესასწაულის შესახებ. საკმარისია გაზეთი გადაიკითხოთ, მაშინვე დარწმუნდებით, რომ თანამედროვე ცხოვრება ბავშვის ცნობიერებაშიაც პოვებს შესაფერ გამოძახილს. რევოლიუციონური მოძრაობა, ქვეყნების აფორიაქება, ახალი ცხოვრების დასაწყისი: ყოველივე ეს ბავშვების, ნორჩი თაობის სულში სათანადოთ აღიბეჭდება.

გაზეთი იწყება სოციალური აღზრდის მთავარ-მართველობის ბავშთადმი მოწოდებით, რომელიც ამავე ჟურნალებში იბეჭდება.

ამ მოწოდებაში განმარტებულია პირველი მაისის დღესასწაულის მნიშვნელობა მუშათა მოძაობის საქმეში. შემდეგ განმარტებულია ორი მაისის — ბავშთა დღესასწაულის დანიშნულება. ორი მაისი — ეს ბავშთა შეკავშირების, ბავშთა რევოლიუციონური ძალების შეფასების დღეა. ბავშვებს მოუწოდებენ სწავლისაკენ, შრომისა და ცხოვრების გაგებისაკენ.

შემდეგ პირველ გვერდზედვე არის მოწინავე „პირველი მაისი“ მე-15 შრომის სკოლის მოწაფის, მარიამ ნადირაძისა. წერილის ავტორს ეტყობა რომ ის საკმაოდ ერკვევა თანამედროვე რევოლიუციონურ მოძრაობაში. მშვენიერი, მარტივი და ლამაზი ენით არის განმარტებული „პირველი მაისის“ მნიშვნელობა წარსულში, აწმყოში და მისი შედეგები მუშათა განთავისუფლების საქმეში. „ჩვენ, ძვირფასო ამხანაგებო, ვეცადოთ, აღვიჭურვოთ სწავლით და ცოდნით და როცა ჩვენი მამების და დედების რიგებს შევცვლით, გვერდში აჩოუდგეთ მშრომელ ხალხს“ო, ათავეებს წერილს მოწაფე ქალი. პირველ გვერდზე არის მოთავსებული ვ. ი.

ლენინის სურათი. სურათის ქვეშ თამარ სალარიძის ლექსი: „ლენინის ხსოვნას“ ლექსი ბავშური სიწრფელით და სიმარტივით არის აღბეჭდილი.

იქვე 20-ე შრ. სკოლის I ჯგუფის მოწაფე თამარ ხიზანაშვილის: „მოგონება პირველი მაისის შესახებ“. მოგონება გზიბოიავს ბავშვის გულ-უბრყვილო, წრფელი ტიტინით: „პირველ მაისობაში ჩემმა ძმამ ქალაქში წამიყვანა, იქ ვნახე, ბავშვები მღეროდნენ. მე მინდოდა მათთან ერთად მემღერა. მუსიკაც გავიგონე, აუყვევი და არ ვიცოდი, როგორ ვმღეროდი.“ო, სწერს პაწია თამარი, პირველი ჯგუფის მოწაფე.

მეორე გვერდი იწყება ლ. ტროცკის სურათით, სურათს ქვეშ არის ლექსი: „მხიარული თბილისი“ (ამხ. ტროცკის ჩამოსვლის გამო) მე-22-შრ. სკოლის მოწაფე ა. ბაწელაშვილისა. ლექსი მშვენიერია, ავტორს ეტყობა უტყუარი ნიჭი და განცდა.

მოცტკრიალდა გაზაფხული,
გადამწვანდა მინდორ-ბუჩქი,
და ეწვია საქართველოს
კომუნისმის მტკიცე ბურჯი
და სხვა..

იქვე მე-15 შრ. სკოლის მოწაფე შოთა ძიძიგურის ლექსი: „მუშა“.

„ჩვენ ვართ მშრომელნი,
სიმართლის გზისა მძიებელნი და მპოვნელიცა,
სიმართლის გზისა ვსტედავთ ქარხნებში,
დავიმორჩილეთ მიწაც და ზეცა.“


ათავეებს ლექსს შ. ძიძიგური რიხიანად. აგერ, მშვენიერი ლექსი „პირველი მაისი“ ნიკოლოზ არონიშიძის, ლექსი როგორც შინაარსის, ისე გამომუშავებული ფორმის მხრივ სასიამოვნო შთაბეჭდილებას ახდენს. აგერ, კიდევ მშვენიერი მხატვრული ლექსი „დილა ლიღისა“. მოთხრობათა შორისაც თითქმის ყველა სასიამოვნო შთაბეჭდილებას სტოვებს. მათ შორის უფრო ასლსანიშნავია: „ნიკოს პირველი მაისი“ მე-III შრ. სკოლის მოწაფე მარიამ ბარამაშვილისა. მოგონება წარმოადგენს პირველი მაისობის მიმოხილვას საზღვარ გარედ, რუსეთში და ჩვენში. მოთხრობა კარგად არის დაწერილი



„ქუჩის ბავშვები“ მე-15 შრ. სკოლის მოწაფე გასათავსებელი — მშვენიერი მხატვრული, სინამდვილიდან აღებული სურათია ქუჩის ბავშვების ცხოვრებიდან. ვახუშტი არის აგრეთვე მოწოდება ბავშვებისადმი „ბავშვთა მეგობრების“ საზოგადოებაში ჩაწერისათვის. განმარტებულია საზოგადოების დანიშნულება უმწეო, ქუჩის უპატრონო ბავშვების დახმარების საქმეში და მოუწოდებენ ბავშვებს ჩაეწერონ აღნიშნულ საზოგადოებაში. არის წერილი მოწაფეთა კონფერენციის შესახებ, მოწაფეთა ქრონიკა, და სხვა. ვახუშტი მოთავსებულია აგრეთვე შემდეგი სურათები: ვ. ი. ლენინისა, ლ. ტროცკისა, მ. ცხაკაიასი, ბავშვთა მიტინგი თავისუფლების მოედანზე, 20 მაისს 1923 წელს. „სასაღილო კოჯრის ახალშენში, და „კოჯრის საზაფხულო ახალშენი“. ეს პირველი საბავშვო ვახუშთია

ჩვენში, რომელმაც ნათლად გვიჩვენა თუ როგორ ეხმარება ჩვენი შრომის სკოლების მოწაფეობა თანამედროვეობას და უნდა ვსთქვათ სასიხარულოდ, რომ აქ ყალბ გრძნობებს აღვილი არ აქვს, აქ ყოველი სტრიქონი ბავშვის მიერ განცდილი, წრფელი გრძნობით გამოხარია. ეს ნათელი საბუთია, იმისი, რომ ჩვენი ბავშვები დაჯილდოებულია ნიჭით, შემოქმედებითი უნარით, რასაც უნდა ხელმძღვანელობა და სიფრთხილით მოაპყრობა. სასურველია, რომ ასეთი საბავშვო ვახუშტები ხშირად იცემოდეს, სადაც ბავშვებს შეეძლება მოათავსონ თავიანთი შემოქმედების საუკეთესო ნიმუშები, რაც სხვა შორის ბავშვთა ძალების შეკავშირებასაც შეუწყობს ხელს.

მკითხველი.



ამ წერილის მიზანია, „წითელი სხივის“ რედაქცია უფრო დაუხლოვოს და კარგად გააცნოს თავის მკითხველებს; ამიტომ რედაქცია მიმართავს მათ თხოვნით, უპასუხონ ქვევით მოყვანილ კითხვებზე.

რომ ჟურნალი უფრო საინტერესო გახდეს მკითხველებისათვის, საჭიროა რედაქცია იცნობდეს თავის მკითხველებს, იცოდეს მათი სურვილი, მათი მისწრაფება, ინტერესები და მიმართულება. თუმცა რედაქცია იღებს თავის მკითხველებისაგან წერილებს, მაგრამ რიცხვი ამ წერილებისა მცირეა შედარებით ყველა მკითხველების რიცხვთან, და ამასთან ამ წერილებში ძლიერ მოკლედ არის აღნიშნული პიროვნება მკითხველებისა. რედაქცია ითხოვს პასუხის მოცემას, როგორც ხელის მომწერლების, ისე საზოგადოდ ჟურნალის მკითხველებისგანაც და, დიდი მადლობელი იქნება, თუ გამოსთქვამენ თავის აზრს ყოველივე იმ კითხვებზე, რასაც დამოკიდებულება აქვს ჩვენ ჟურნალთან. ეს გამოიწვევს მკითხველების დაახლოვებას რედაქციასთან და მისცემს საშუალებას, რომ ჟურნალი გახდეს ისეთი, როგორც მათ სურთ.

კითხვები *)

1. რამდენი წლისა ხართ?
2. სად სწავლობთ?
3. ხართ თუ არა პიონერი თუ ხართ რომელ კოლექტივში?
4. გყავთ მშობლები და თუ გყავთ რას აკეთებენ?
5. სად სცხოვრობთ?
6. კითხვა გიყვართ?
7. წაკითხულ წიგნებიდან, რომელი მოგწონთ?
8. რა შინაარსის წიგნების კითხვა უფრო გიყვართ: მოთხრობები, ზღაპრები, ლექსები, ბუნების მეტყველობა, მოგზაურობა, გამოჩენილი კაცების ცხოვრებიდან და სხ.
9. რა მოთხრობები უფრო მოგწონთ: ბავშვების თუ დიდების ცხოვრებიდან?

*) პასუხს გამოგზავნით „წით. სხივის“ რედაქციაში ფოსტით, — რუსთაველის პროსპ. განათლების სახ. კომისარიატი.



- 10. დიდი თუ პატარა მოთხრობები?
- 11. „წითელ სხივში“ დაბეჭდილი მოთხრობებიდან, რომელი უფრო მოგეწონათ და რად?
- 12. საჭიროა თუ არა იყოს „წითელ სხივში“ განყოფილება „გასართობი“.
- 13. საჭირო იქნება თუ არა „საფოსტო

ყუთი?“ (პასუხის მიღება რედაქციდან, მიწერ-მოწერის გამართვა ერთმანეთში ქალაქებსა და სოფლებში მცხოვრებ მკითხველთა შორის, ერთი ერთმანეთთან გაცნობა და სხვა ბევრი რამ).

14. რომელ ჟურნალს კითხულობთ კიდევ, გარდა წითელი სხივისა.

გ ა ს ა რ თ ე ბ ი

ქამრის მალვა.

(თამაშობა წარმოდგენილი გ. გიორგიძისაგან.)

მოთამაშენი სდგებიან წრეში ზურგით გარედ. ხელები უკან უჭირავთ. ერთი მოთამაშე სდგება შიგ წრეში. მოთამაშეებს აქვთ ერთი ქამარი, რომელსაც წრეში მდგომი ბავშვები, შუაში მდგომი ბავშვების შეუმჩნეველად, ერთმანეთს გადასცემენ. წრეში მდგომი კი სცდილობს იპოვოს თუ ვის აქვს ქამარი. როდესაც წრეში მდგომი დადგება ზურგით მის წინ, ვისაც ქამარი აქვს, უკანასკნელი დაარტყამს ქამარს პირველს და შეუმჩნეველად და სწრაფად გადასცემს გვერდზე მდგომ ამხანაგს; ასე რომ, როდესაც ის მოიხედავს და უსინჯავს ხელებს დამრტყმელს, ამ დროს უკვე სხვა არტყამს მას ზურგში.

თუ წრეში მდგომმა დაიჭირა ვინმე ქამრით ხელში, მას ის აყენებს წრეში და თვითონ კი დგება მის ალაგზე. შემდეგ თამაშობა ისევ გამეორდება. ამ თამაშობაში შეიძლება მიიღოს მონაწილეობა 8—20 მოთამაშემ.

როგორ ბაიუო ორმა გლეხმა ღვინო?

ორ გლეხს ჰქონდა სამი ქვევრი: ერთი რვა კოკიანი, ღვინით სავსე, მეორე—ცარიელი ხუთ კოკიანი, და მესამეც ცარიელი სამ კოკიანი; სხვა ქურქელი მათ არა ჰქონდათ, მაგრამ მაინც კიდევ ამ ქვევრების შემწეობით თანასწორად გაიყვეს ეს ღვინო.

აბა, როგორ მოახერხეს გლეხებმა ამ ღვინის გაყოფა?

უ ა რ ა დ ა


(წარმოდგენილი კარბელის მიერ)

ციმბირის უღრან ტყეებზედ
მდინარე მიიკლაკნება;
ბოლოში ასო მოვაკლოთ
შარადა ჩაიკლაკნება



სცენაზედ გამოვიყვანოთ,
ერთი პატარა ასო რამ,
და პირველს ნაწილს მივადლოთ,
რომ ვერ გაიგოს ქანდარამ.

ერთთად გვარია, ჩაგრულთა
სათაყვანებელ ბელადის,
შრავალ-ჟამიერ მის ხსოვნას
მშრომელი სცოცხლობს სანამდის.



რეზუსი.

წარმოდგენილი დ. კარბელის მიერ



„



სტ



„



ს




„



ბ

„



„



ბ

ს



ბ



„



„



„

— 1924 წ. —

გაგოლის
უთვლთვიური საფეხვილო დასუკათაბული
უურნალები

მორღილთათვის წითელი სხივი წელიწადი 1

მცირე წლ. ნაკადული წელ: მე-XX

უურნალის გაგოწარა ს. ს. ს. რესუბლიკის უველა სკოლებისთვის სავალდებულოა.

ლენინის სახელოგის საქართველოს გავრთა კომუნისტური
ჯგუფების ურველი წევრის, ორგანიზაციის ურველი
კოლეკტივის, გავრთა კომუნისტური მოქრარების
თვითთაული ხელგკლგანელის, გიგლიო-
თეპების და სამკითხველო-
გის ვალდებულეგაა
გამოიწარონ

„წითელი სხივი“

— და —

„ნაკადული“

ხელის მოწერა მიიღება თვიურად

ცალკე	„წითელი სხივი“	—	40 კ.
„	„ნაკადული“	—	25 კ.

გადაგზავნა ხელის მომწერის ხარჯით

მისამართი: ტფილისი, ღორის-მელიქოვის ქუჩა, № 5, განათლების სახალხო
კომისარიატი „წითელი სხივის“ და „ნაკადულის“ რედაქცია.

რედაქტორი — ხარედაქციო კოლეგია.